

四庫全書

子部

欽定四庫全書

子部
冊府元龜卷一
一至三

詳校官中書臣瞿照

員外郎臣牛稔文覆勘

總校官庶吉士臣何思鈞

校對官典簿臣郭祚熾

謄錄監生臣潘炯

欽定四庫全書

冊府元龜卷一

宋 王欽若等 撰

帝王部

總序

昔維出書九章聖人則之以為世大法其初一日五行
一曰水二曰火三曰木四曰金五曰土帝王之起必承
其王氣大古之世鴻荒朴畧不可得而詳焉庖犧氏之
王天下也繼天之統為百王先實承木德以建大號三

墳所紀允居其首蓋五精之運以相生為德木生火火
生土土生金金生水水生木乘時迭王以昭統緒故創
業受命之主必推本乎歷數參考乎徵應稽其行次上
承天統春秋之大居正貴其體元而建極也前志之論
閏位謂其非次而不當也共工氏任智刑以御九域霸
而不王雖承太昊之後而不齒五德之序神農氏以火
承木故為炎帝軒轅有土德之瑞故號黃帝少昊以金
德王故號曰金天氏顓頊以水德王號曰高陽氏帝嚳

以木德王號曰高辛氏帝堯以火德王號曰陶唐氏帝
舜以土德王號曰有虞氏繇虞氏以上皆承運更起應
期正位參列五辰之次而克當統紀至於正朔服色之
改度戎祀朝會之所尚記籍斯逸罕得而述焉夏后氏
受有虞之禪是謂金德正用建寅其色尚黑商湯代夏
以水德王正用建丑其色尚白周武以木德王正用建
子其色尚赤三代之際各居一統錯綜其數以通其變
順三微之序極三才之致咸享祚長久蓋得夫天歷之

正也三季之衰秦兼天下獨推五勝不當正統漢祖以
斷蛇之符上繫成周是為火德起自沛中旗幟皆赤至
文帝時魯人公孫臣推終始之傳謂漢承秦當用土德
土德之應黃龍當見宜改正朔服色尚黃時丞相張蒼
引河決金隄以為漢當水德以十月為正其色外黑內
赤遂罷公孫臣之議明年黃龍見成紀乃用土行改歷
服色而賈誼亦以為然孝武正歷以正月為歲首色尚
黃數用五蓋以秦為水德據漢土而克之從所不勝遂

順黃德劉向父子以為帝出乎震故庖犧氏姓受木德以母傳子終而復始自農軒歷唐虞三代漢得火行上合天統當時雖建厥議未克遵行世祖中興乃用其說魏氏始基有黃星之應又太史丞許芝言戊寅黃龍見此受命之符最著明者也又易運期識有黃氣授真人出之言又太微中黃帝坐嘗明赤帝坐嘗不見以為黃家興而赤家衰亡之漸又熒惑失色十有餘年蘇林董巴等又言魏之氏族出自顓頊與舜同祖舜以土德承

堯之火今魏亦以土德承漢之火於行運合於堯舜授受之次既而受漢禪改元黃初議更正朔易服色殊徽號同律度量以乘土行以夏數為得天即用夏正而服色尚黃然尚循漢正朔弗之改也明帝在東宮著論以為五帝三王雖同氣共祖祖不相襲正朔自宜改變以明受命之運即位久之從高堂隆之議乃推三統之次以魏得地統遂用建丑之月為正月服色尚青犧牲用白戎事乘黑首白馬建夫赤之旂朝會建大白之旂齊

王嗣位以夏正得天改用建寅為正月晉武泰始二年
有司舉唐堯舜禹不易祚改制至於湯武始推行數今
晉繼三皇舜禹之迹應天受禪宜用前代正朔服色如
虞遵唐故事而史臣之記晉為金行服色尚赤後魏道
武天興初始詔有司議定行次有司曰國家繼黃帝之
後宜為土德有土畜之瑞及黃星之符遂從土德服色
尚黃數用五犧牲用白行夏之正孝文太和中下詔以
丘澤初制配尚宜定五德相襲論有異常帝令百辟集

議高間以為漢用火德徵斬蛇之符上繼於周棄秦之
暴越惡承善不以世次為正自時厥後乃以為常魏承
漢火生土故魏為土德晉承魏土生金故晉為金德趙
承晉金生水故趙為水德燕承趙水生木故燕為木德
秦承燕木生火故秦為火德今魏宜承秦為土德李彪
崔光等以為宜紹晉金德不當次於僭偽建議各殊稱
年不定既而穆亮等大臣共議宜上承晉世定為水德
孝文下詔特從其說後周革命有赤雀之祥羣臣奏議

請更正朔定為木行以承水德服色尚烏隋文受禪次
用火德以有赤光之瑞車服旌旗悉皆尚赤而帝服戎
服悉皆以黃唐氏承統盛德在土至開元中有請改為
金德者終報罷之天寶中令諸衛緋色幘改為赤黃色
以應土德朱梁建國如秦之暴雖宅中夏不當正位同
光纘服再承絕緒晉承唐後是為金德漢氏承晉實當
水行周祖即位之初有司定為木德自伏羲氏以木王
終始之傳循環五周至於皇朝以炎靈受命赤精應讖

乘火德而王混一區夏宅土中而臨萬國得天統之正
序矣凡帝王部一百二十八門

帝系

夫結繩之初朴畧茫昧莫獲而詳書契之後辨姓授氏
可得而記太昊之前譜牒蓋闕帝鴻之後世緒具存司
馬遷著之史記以存系表明乎受天命膺帝期者蓋以
祖宗實有茂德所以後世承乎發祥若乃后稷播植周
室於是隆興唐堯文思漢緒繇其增盛蓋瓜瓞之相屬

故蘿圖而有融魏晉以還方冊可考罔不緬藉先烈誕
啓丕圖若乃累積之懿傳繼之盛蓋繇德有厚薄源有
淺深憑舊烈者蕃衍無世資者衰替今竝考舊史披帝
錄詳究初終率用論次俾有條而不紊庶百世而可知
矣

太昊庖犧氏風姓母曰華胥作網罟以畋漁取犧牲故
天下號曰庖犧氏

一云取犧牲以充庖厨故曰庖犧氏
是為犧皇後世音謬謂之伏犧或謂

之宓
犧 一號皇雄氏繼天而王故曰帝太昊庖犧氏沒女

媯氏立為女皇

一云女帝

亦風姓承庖犧制度女媯氏沒次

有大庭氏柏皇氏中央氏栗陸氏驪連氏赫胥氏尊盧氏渾沌氏昊英氏有巢氏朱襄氏葛天氏陰康氏無懷氏凡十五世皆襲庖犧之號

炎帝神農氏姜姓母曰任己有蟠氏女為少典妃生帝

以火承木故為炎帝

一云南方生夏

教民耕農故天下號曰神

農氏

一云農皇或云帝炎

本起烈山氏或稱之一號魁隗氏納奔

水氏女曰聽談生帝臨魁次帝承次帝明次帝直次帝

釐次帝裏次帝榆罔自炎帝至榆罔凡八世

黃帝軒轅氏少典之子

有熊國君少典之子

姓公孫

一云姬姓

母曰附

寶居軒轅之丘因以為名

一云有軒冕之服故天下號曰軒轅氏

有土德

之瑞故號黃帝一號帝鴻氏

亦曰歸藏氏

在位百年年百一

十歲

或云壽三百歲

少昊金天氏黃帝之子黃帝娶西陵之女是為嫫祖

一作

組

為正妃生二子其一曰玄囂是為青陽降居江水即

少昊也邑于窮桑以登帝位故謂之窮桑帝以金承土

故天下號曰金天氏

金主西方秋
故曰少昊

在位百年

一云八十四年

顓頊高陽氏姬姓黃帝之孫昌意之子昌意娶蜀山氏

女曰昌僕

謂之女樞

生帝以水承金天下號曰高陽氏在位

七十八年年九十八歲

帝嚳高辛氏姬姓黃帝之曾孫父曰蟠極蟠極父曰玄

囂帝於顓頊為族子

其母不見

以水承木天下號曰高辛氏

在位七十五年百五歲

一云生十五而佐
顓頊三十登帝位

帝堯陶唐氏伊祁姓帝嚳之子帝嚳娶陳鋒氏生放勳

姬訾氏生摯

一云帝嘗納四妃有台氏女曰姜嫄生后稷次有娥氏女曰簡狄生契次陳鋒氏女

曰慶都生放勳次姬訾氏女生摯

摯於兄弟最長即位封放勳為唐侯

摯在位一年而放勳立是為堯帝以火承木天下號曰陶唐氏在位九十八年年百一十八歲

帝舜有虞氏姚姓父曰瞽叟瞽叟父曰橋牛橋牛父曰

句望句望父曰敬康敬康父曰窮蟬窮蟬父曰帝顓頊

顓頊父曰昌意以至舜七世矣自窮蟬以至帝舜皆微

為庶人堯禪舜以天下以土承火天下號曰有虞氏始

舜生三十徵庸

言其始見試用

三十在位

歷試二年攝政二十八年

五十載

陟方乃死

方道也舜即位五十年升道南方巡狩死於蒼梧之野而葬焉

年百一十二

歲

通服堯喪三年也一云舜年二十以孝聞年三十堯舉之年五十稱行天子事年六十一代堯踐帝位三

十九年
年百歲

禹夏后氏姒姓父曰鯀鯀之父曰帝顓頊顓頊之父曰

昌意昌意之父曰黃帝禹者黃帝之玄孫而帝顓頊之

孫也禹之曾大父昌意及父鯀皆不得在帝位為人臣

舜禪禹以天下以金承土天下號曰夏后氏禹年八十

六攝行天子事五年年九十餘舜喪明年即真年百歲

禹娶塗山氏之女生啓在位九年啓生太康在位二十

九年太康弟仲康在位十三年仲康生相一名相安在位二

十八年相遺腹子母有仍氏之女生少康在位二十一

年少康生宁一作杼又作季杼或曰松曼在位十七年宁生槐一作莽

作魁或曰祖武在位二十六年槐生芒一云荒和或曰帝荒在位十八年

芒生泄一云泄宗在位十六年泄生不降或曰江成在位五十九

年不降弟扃一作扃又作兩或曰高陽在位二十一年扃生廛一作廛或

江曰履 在位二十年不降生孔甲在位三十一年孔甲生

皋一名皋苗 在位十一年皋生發一名后敬 在位十一年發或曰發惠

生履癸是為桀諡法賊人多殺曰桀 在位五十三年為湯所滅禹自

戊戌歲建國盡己酉十五代十
七王通羿浞四百三十二年

殷湯子姓其先契母曰簡狄有娥氏之女有娥在不周之北 為

帝嚳次妃三人行浴見玄鳥墮其卵簡狄取吞之因孕

生契契長而佐禹治水有功帝舜乃命契曰百姓不親

五品不遜汝為司徒敬敷五教在寬封於商商今在雒商是也

賜姓子氏

祖以玄鳥生子也

契興於唐虞大禹之際功業著於

百姓百姓以平契生昭明昭明生相土

相土就契封於商一云關伯居

商丘相土因之

相土生昌若

一云景若

昌若生曹圉

一云根圉

曹圉生冥

冥為司空勤其官事死於水中殷人郊之

冥生振振生微微生報丁報丁生

報乙報乙生報丙報丙生壬壬生壬生主癸主癸之妃

曰扶都生天乙

以乙曰主

是為成湯自契至湯十四世湯踐

天子位十三年年百歲太子太丁未立而卒於是廼立

太丁之弟外丙在位三年外丙弟仲壬在位四年仲壬

兄太丁之子太甲在位十四年年百歲太甲生沃丁在

位三十年

一云二十九

沃丁生太庚在位二十五年太庚生

小甲

一云弟

在位十七年

一云三十年

小甲弟雍已在位十二

年雍已弟太戊在位七十五年太戊生仲丁在位十一

年

一云十二年

仲丁弟外壬在位十五年外壬弟河亶甲在

位九年河亶甲生祖乙在位十九年祖乙生祖辛在位

十六年祖辛弟沃甲

一云開甲

在位二十五年沃甲兄祖辛

之子祖丁在位三十二年祖丁弟沃甲之子南庚在位

二十九年祖丁之子陽甲在位七年陽甲弟盤庚在

位二十八年盤庚弟小辛在位二十一年小辛弟小乙

在位二十年

一云二十一年

小乙生武丁在位五十九年年百

歲武丁生祖庚在位七年祖庚弟祖甲在位三十三年

祖甲生廩辛

一云馮辛

在位六年廩辛弟庚丁在位二十一

年庚丁生武乙在位四年武乙生太丁

一名文丁

在位三年

太丁生帝乙在位三十七年帝乙生受辛天下謂之紂

諡法殘義

在位三十二年

湯自乙未歲建國盡戊寅子孫十七代三十五共六百四

損善曰紂

十五年

周文王姬姓其先后稷名棄其母有邵氏女曰姜嫄

姜姓

嫄字或曰諡號

姜嫄為帝嚳元妃姜嫄出野見巨人跡心欣然

說欲踐之踐之而身動如孕者居期而生子以為不祥
棄之隘巷馬牛過者皆辟不踐徙置之林中適會山林
多人遷之而棄渠中冰上飛鳥以其翼覆薦之姜嫄以
為神遂收養之初欲棄之因名曰棄棄為兒時忼如巨
人之志其遊戲好種樹蔴菽麥及為成人遂好耕農相

地之宜宜穀者稼穡焉民皆法則之帝堯聞之舉棄為

農師天下得其利有功帝舜曰棄黎民始饑

一云祖饑
祖始也

爾后稷播時百穀封棄於郃

今釐鄉
在扶風

號曰后稷別姓姬

氏后稷之興在陶唐虞夏之際皆有令德后稷生不窋

不窋末年夏后氏政衰去稷不務而不窋以失其官而

奔戎狄不窋生鞠鞠生公劉公劉雖在戎狄之間復修

后稷之業務耕種行地宜自漆沮渡渭取財用行者有

資居者有畜積民賴其慶百姓懷之多徙而保歸焉周

道之興自此始故詩人歌樂思其德公劉卒慶節立國

於豳

新平漆縣之東北有豳亭

慶節生皇僕皇僕生姜弗姜弗生毀

隃

一作體隃

毀隃生公非公非生高圉

高圉能率稷者也周人報之

高圉

生亞圉亞圉生公叔祖類公叔祖類生古公亶父復修

后稷公劉之業積德行義國人皆戴之獫鬻戎狄攻之

欲得財物與之已復攻之欲得地與民民皆怒欲戰古

公曰有民立君將以利之今戎狄所為攻戰以吾地與

民民之在我與其在彼何異民欲以我故戰殺人父子

而君之予不忍為乃與私屬遂去豳渡漆沮

水在杜陽岐山杜陽

縣在扶風踰梁山止於岐下

山在扶風美陽西北其南有周原始改國曰周

豳人舉

國扶老攜弱盡復歸古公於岐下及他旁國聞古公仁

亦多歸之於是古公乃貶戎狄之俗而營築城郭室屋

而邑別居之

分別而為邑落也

作五官有司

天子之五官曰司徒司馬司空司士

司寇典司五衆此殷時制也

民皆歌樂之頌其德古公有長子曰泰

伯次曰虞仲太姜生少子季歷季歷娶太任

太姜有卽氏之女太

任摯任氏之中女

皆賢婦人生昌有聖瑞古公曰我當有興者

其在昌乎長子泰伯虞仲知古公欲立季歷以傳昌二人乃亡如荊蠻文身斷髮

嘗在水中故斷其髮文其以身以象龍子故不見傷害以

讓季歷季歷立是為公季公季修古公遺道篤於行義諸侯順之公季卒子昌立是為西伯西伯曰文王遵后

稷公劉之業則古公公季之法始自岐下徙都豐詩人

道西伯蓋受命之年稱王而斷虞芮之訟

虞在河東太陽縣芮在馮

翊臨
晉縣

在位五十年太子發立是為武王在位七年武王

生成王在位三十七年成王生康王在位二十六年康

王生昭王在位五十一年昭王生穆王在位五十五年
年百四歲穆王生恭王在位十二年恭王生懿王在位
二十五年恭王弟孝王在位十五年懿王太子夷王在
位十六年夷王生厲王在位三十七年厲王生宣王在
位四十六年宣王生幽王在位十一年幽王生平王在
位五十一年平王生太子洩父蚤死立其子是為桓王
在位二十三年桓王生莊王在位十五年莊王生釐王
在位五年釐王生惠王在位二十五年惠王生襄王在

位三十三年襄王生頃王在位六年頃王生匡王在位

六年匡王弟定王在位二十一年定王生簡王在位十

四年簡王生靈王在位二十七年靈王生景王在位二

十五年景王生悼王在位一年悼王弟敬王在位四十

四年敬王生元王在位七年元王生貞定王在位二十

八年貞定王生哀王在位九十日哀王弟思王在位百

五十日思王弟考王

一云考
王

在位十五年考王生威烈

王在位二十四年威烈王生安王

一作元安
又作原安

在位二十

六年安王生烈王

一作夷烈

在位七年烈王弟顯王

一作顯聖在

位四十八年顯王生慎靚王

一作順靖

在位六年慎靚王生

赧王在位五十年

周自武王己卯歲建國至赧王三十一代三十七王共八百六十七年

漢高祖沛豐邑中陽里人姓劉氏母媪

史失其姓

其先劉累

學擾龍事孔甲范氏其後也晉大夫范宣子曰祖自虞

以上為陶唐氏在夏為御龍氏

即劉累也

在商為豕韋氏

國名

在東郡白馬縣東南

在周為唐杜氏

二國名唐太原晉陽縣杜京北杜縣

晉主夏盟

為范氏范氏為晉士師

言晉為霸王范氏為晉卿

魯文公世奔秦後

歸於晉其處者為劉氏劉向云戰國時劉氏自秦奔於魏秦滅魏遷大梁都於豐故周氏說雍齒曰豐故梁地也高祖本系出自唐帝降及於周在秦作劉涉魏而東遂為豐公豐公益太上皇父其遷日淺墳墓在豐鮮焉及高祖即位置祠祀官則有秦晉梁荆之筮世祠天地綴之以祀綴言不絕也高祖初封漢王五年平項籍即皇帝位在位通為王十二年年六十二太子立是為惠帝帝呂后之子在位七年高祖中子文帝立母曰薄太后在

位二十三年年四十七太子立是為景帝母曰竇皇后
在位十六年年四十八中子武帝立母曰王美人在位
五十四年年六十九少子昭帝立母曰趙婕妤在位十
三年年二十六無子立武帝孫昌邑王賀父曰昌邑哀
王髡在位二十七日立武帝衛太子之孫史皇孫之子
是為宣帝母曰王翁須在位二十五年年四十三太子
立是為元帝母曰恭哀許皇后在位十六年年四十三
太子立是為成帝母曰王皇后在位二十六年年四十

六無子立元帝庶孫定陶恭王子是為哀帝母曰丁姬
在位六年年二十六無子立元帝庶孫中山孝王子是
為平帝母曰衛姬在位五年年四十無子王莽立宣帝
玄孫孺子即位始生二歲孺子父題祖勲皆為廣戚侯
曾祖楚孝王囂宣帝子也在位四年為王莽所滅莽死
平陵方望復立孺子為帝數月遇害年二十二

漢自高祖乙未

歲建國至孺子己巳凡十代十五帝二百一十一年

後漢光武南陽蔡陽縣人

南陽郡今鄧州縣也蔡陽縣故城在隨州棗陽縣西南

高祖九世之孫也出自景帝生長沙定王發

長沙縣今潭州縣

發生春陵節侯賈

春陵鄉名本屬零陵元帝特徙南陽仍號春陵故城今在隨州棗陽縣東

賈生鬱林太守外外生鉅鹿都尉回

鉅鹿郡在邢州縣也都尉本郡尉秦

官也掌佐守典武職秩比

二千石景帝更名都尉

回生南頓令欽

南頓縣屬汝南郡故城在

今陳州頓城縣西

欽生光武母曰聞都南陽樊重之女王莽末

與更始舉義兵興復長安更始為赤眉所破光武即皇

帝位平赤眉在位三十三年年六十二太子立是為明

帝母曰陰皇后在位十八年年四十八太子立是為章

帝母曰賈貴人在位十三年年三十一第四子立是為
和帝母曰梁貴人在位十七年年三十二少子立是為
殤帝母曰鄧皇后立百七十日年二歲章帝孫清河孝
王子立是為安帝母曰左姬在位一十九年年三十二
章帝孫濟北王子北鄉侯立二百七十日安帝廢太子
濟陰王立是為順帝母曰李氏在位十九年年三十大
子立是為冲帝母曰虞貴人在位一年年三歲章帝玄
孫千乘貞王曾孫樂安夷王孫渤海孝王子立是為質

帝母曰陳夫人在位一年年九歲章帝曾孫河間孝王
孫蠡吾侯子立是為桓帝母曰匱氏在位二十一年年
三十六章帝玄孫河間孝王曾孫解瀆亭侯孫立是為
靈帝母曰董夫人在位二十二年年三十四子弘農王
立在位百三十八日王弟陳留王立是為獻帝母曰王
美人在位三十一年年四十禪於魏魏文帝封為山陽
公明帝青龍二年薨年五十四

後漢自光武乙酉歲至
獻帝庚子凡八代十四

帝共一百

九十六年

魏太祖姓曹氏漢相參之後其先出於黃帝當高陽世
陸終之子曰安是為曹姓周武王克殷存先世之後封
曹快於邾春秋之世與於盟會逮至戰國為楚所滅子
孫分流或家於沛漢祖之起曹參以功封平陽侯世襲
爵土絕而復紹桓帝世曹騰為中常侍大長秋封費亭
侯養子嵩嗣官至太尉莫能審其生出本末一云嵩夏
侯氏之子

惇之叔父太祖於
惇為從父兄弟

嵩生太祖仕漢為丞相封魏王建安

二十五年薨年六十六太子嗣丞相位魏王其年受漢

禪是為文帝母曰卞皇后在位七年年四十太子立是為明帝母曰文昭甄皇后在位十四年年三十六無子

養子齊王為太子

宮省事祕莫有知其所繇來者

在位十五年為司馬

景王所廢年二十三文帝孫東海定王子高貴鄉公立

在位七年年二十太祖孫燕王字子嘗道鄉公立在位

七年年二十禪於晉武帝封為陳留王薨年五十六

魏自

文帝庚子歲至陳留王乙酉歲凡四代五帝四十六年

晉宣帝河內溫縣孝敬里人姓司馬氏其先出自帝高

陽之子重黎為夏官祝融歷唐虞夏商世序其職及周以夏官為司馬其後程伯休父周宣王時以世官克平徐方錫以官族因而為氏楚漢間司馬邛為趙將與諸侯伐秦秦亡立為殷王都河內漢以其地為郡子孫遂家焉自邛八世生征西將軍鈞字叔平鈞生豫州太守量字公度量生潁川太守雋字元異雋生京兆尹防字達公帝即防之第二子也仕魏為太傅都督中外諸軍錄尚書事加相國封安平郡公固讓嘉平三年薨年七

十三追謚宣帝世子以撫軍大將軍輔政母曰宣穆張
皇后明年遷大將軍加侍中都督中外諸軍事錄尚書
事累加相國固辭正元二年薨年四十八追謚景帝母
弟繼為大將軍加侍中都督中外諸軍錄尚書事輔政
累加相國封晉王咸熙二年薨年五十五追謚文帝世
子嗣相國晉王位母曰文明皇后其年受魏禪是為武
帝在位二十六年年五十五太子立是為惠帝母曰武
元楊皇后在位十六年年四十八皇太弟武帝第二十

五子立是為懷帝母曰王太妃在位七年年三十武帝
孫吳孝王晏子出繼秦王立是為愍帝在位五年年十
八為劉聰所害宣帝魯孫瑯瑯恭王覲之子立為晉王
明年即皇帝位是為東晉元帝母曰夏侯太妃在位五
年年四十七太子立是為明帝母曰豫章郡君荀氏在
位三年年二十七太子立是為成帝母曰明穆庾皇后
在位十七年年二十二母弟瑯瑯王立是為康帝在位
二年年二十三太子立是為穆帝母曰康獻褚皇后在

位十七年年十九成帝長子瑯琊王立是為哀帝母曰
章太妃在位四年年二十五母弟瑯琊王立在位六年
大司馬桓溫廢為海西縣公大元十一年薨年四十五
元帝少子瑯琊王立是為簡文帝母曰簡文宣鄭太后
在位二年年五十三太子立是為孝武帝母曰孝武李
太后在位二十四年年三十五太子立是為安帝母曰
安德陳太后在位二十二年年三十七母弟大司馬瑯
琊王立是為恭帝在位二年禪於宋其年遇害年三十

六 晉自武帝乙酉歲至恭帝庚申
凡七世十五帝一百五十六年

後魏道武姓拓跋氏其先出自黃帝黃帝有子二十五人或內列諸華或外分一服昌意少子受封北土國有大鮮卑山因以為號其後世為君長統幽都之北廣漠之野畜牧遷徙射獵為業淳樸為俗簡易為化不為文字刻木紀契而已世事遠近人相傳授如史官之紀錄焉黃帝以土德王北俗謂土為拓謂后為跋故以為氏其裔始均入仕堯世逐女魃於弱水之北民賴其勤帝

舜嘉之命為田祖爰歷三代以及秦漢獯鬻獫狁山戎
匈奴之屬累代殘暴作害中州而始均之裔不交南夏
是以載籍無聞焉積六十七世至成皇帝屯立聰明武
畧遠近所推統國三十六大姓九十九威振北方莫不
率服其後有節帝貸莊帝觀明帝樓安帝越宣帝推寅
於是南遷大澤方千餘里厥土昏冥沮洳又有景帝利
元帝侯和帝肆定帝機僖帝蓋威帝儉獻帝隣時有神
人言於國曰此土荒遐未足以建都邑宜復徙居獻帝

年時衰老乃以位授子聖武帝詰汾獻帝命令南移山谷高深九難八阻於是欲止有神獸其形似馬其聲類牛先行導引歷年乃出始居匈奴之故地其遷徙策畧多出宣獻二帝故時人竝號曰推寅蓋俗云鑽研之義初聖武帝嘗率數萬騎田於山澤欵見輜輶自天而下既至見美婦人侍衛甚盛帝異而問之對曰我天女也受命相偶遂同寢宿旦請還曰明年周時復會此處言終而別去如風雨及期帝至先所田處果復相見天女

以所生男授帝曰此君之子也善養視之子孫相承當
世為帝王語訖而去子即始祖神元力微也故時人諺
云詰汾皇帝無婦家力微皇帝無舅家神元生而英睿
元年歲在庚子先是西部內侵國民離散依於沒鹿迴
部大人竇賓始祖有雄傑之度時人莫測後與賓攻西
部賓軍敗失馬步走始祖使人以所乘駿馬給之賓歸
令其部內求與馬之人當加重賞始祖隱而不言久之
賓乃知大驚將分國之半以奉始祖始祖不受乃進其

愛女賓猶思報恩故問所欲始祖請率所部北居長川
賓乃敬從積十數歲德威大洽諸舊部民咸來歸服二
十九年賓臨終戒其二子使謹奉始祖其子不從乃陰
謀為逆始祖召殺之盡并其衆諸部大人悉皆歎服控
弦上馬二十餘萬三十九年遷於定襄之盛樂四月祭
天諸部君長皆來助祭唯白部大人觀望不至於是徵
而戮之遠近肅然莫不震懾始祖乃告諸大人曰我歷
觀前世匈奴蹋頓之徒苟貪財利抄掠邊民雖有所得

而其死傷不足相補更招寇讐百姓塗炭非長計也於是與魏相親神元饗國五十八年年百四歲子章帝悉鹿立諸部離叛國內紛擾饗國九年弟平帝綽立雄武

有謀畧威德復舉饗國七年神元孫

太子追諡文帝沙漢汗之子

惠

帝弗立聰哲大度為諸父兄所重政崇寬簡百姓懷服饗國一年神元子昭帝祿官立分國為三部帝自以一部居東在上谷北濡源之西東接宇文部以文帝之長子桓帝猗屯統一部居代郡之參合陂北以桓帝弟穆

帝猗盧統一部居定襄之盛樂故城自始祖以來與晉和好百姓又安財畜富實控弦騎士四十餘萬昭帝統部十三年穆帝天資英特勇畧過人遂總攝三部為一統三年白部大人叛入西河鐵木劉虎舉衆於鴈門應之攻晉新興鴈門三郡并州刺史劉琨來乞師帝使弟子平文皇帝率騎二萬助理擊之大破白部次攻劉虎屠其營落虎收其餘燼西走渡河竄居朔方晉懷帝進帝大單于封代公帝以封邑去國懸遠民不相接乃從

琨求句注陁北之地琨自以託附聞之大喜乃徙馬邑
陰館樓煩繁峙崞五縣之民於陁南更立城邑盡獻其
地東接代郡西連西河朔方方數百里帝乃徙十萬家
以充之八年晉愍帝為代王置官屬食代恒山二郡帝
饗國九年子晉根立月餘而薨晉根子始生恒帝后立
之其冬晉根子又薨思帝子平文帝鬱律立姿質雄壯
甚有威畧元年歲在丁丑二年劉虎據朔方來侵西部
帝逆擊大破之虎單騎遁走其從弟路孤率部落內附

帝以女妻之西兼烏孫故地東吞勿吉以西控弦上馬將有百萬饗國五年桓帝中子惠帝賀偁立以五年為元年政事太后臨朝四年帝始臨朝以諸部人情未悉款順乃築城於東木狼山徙都之饗國五年弟煬帝統那立五年出居於宇文部賀蘭及諸部大人共立平文帝長子翳槐是為烈帝三年石虎遣將李穆率騎五千納烈帝於大甯國人六千餘落叛煬帝煬帝出居於慕容部烈帝復位以三年為後元年城新盛樂城在城東

南十里是年平文帝次子昭成帝什翼犍立帝生而奇
偉寬仁大度喜怒不形于色身長八尺隆準龍顏立髮
委地卧則乳垂至席烈帝顧命使弟彌自詣鄴奉迎即
位於繁峙之北時年十九稱建國元年二年春始置百
官分掌衆職三年春移都於雲中之盛樂宮饗國二十
九年為苻堅所破國衆離散堅使劉庫仁劉衛辰攝國
事七年堅敗于淮南慕容文等殺庫仁庫仁弟眷攝國
事九年庫仁子顯殺眷而代之明年昭成嫡孫即位於

牛川建元登國凡九年又改皇始凡二年又改天興是
年即皇帝位改國號魏遷都平城是為道武皇帝父曰
獻明皇帝母曰獻明賀皇后并追尊成帝已下及后號
謚道武在位十四年年三十九長子相國大將軍齊王
立是為明元帝母曰劉貴人在位十五年年三十二長
子太平王監國是為大武帝母曰密杜皇后在位二十
九年年四十五嫡孫立是為文成帝父曰景穆皇帝母
曰宮閭皇后在位十四年年二十六太子立是為獻文

帝母曰李貴人在位六年傳國於太子是為孝文帝年
二十二孝文母曰李夫人在位二十九年改國姓曰元
氏年三十三太子立是為宣武帝母曰高夫人在位十
六年年三十三太子立是為孝明帝母曰胡充華在位
十三年年十九孝文曾孫京兆王愉孫洮王寶暉子劉
立為幼帝在位六十日為爾朱榮所害獻文孫彭城王
勰第三子立是為孝莊帝母曰李妃在位三年年二十
四為爾朱兆所害爾朱世隆立太武玄孫長平王曄在

位六十年廢之又立獻文之孫廣陵王羽之子是為前
廢帝母曰王氏在位一年年二十五為高歡所害立章
武王馳第三子是為後廢帝母曰程氏在位二年年二
十遜位於孝文之孫廣平王懷第三子是為出帝母曰
李氏遷都長安為宇文泰所酖在位五年年二十五泰
立孝文孫京兆王愉之子是為西魏文帝母曰楊氏在
位十七年年四十五長子立是為廢帝母曰乙弗后在
位三年弟立是為恭帝在位三年禪於後周

後魏自丙申歲道武

建國至恭帝丙子歲凡七代
十八帝共一百六十一年

後周太祖文帝姓宇文氏代郡武川人也其先出自炎
帝神農氏為黃帝所滅子孫遁居朔野有葛烏菟者雄
武多算略鮮卑慕之奉以為主遂總十二部落世為大
人其後普迴因狩得玉璽三紐有文曰皇帝璽普迴異
之以為天授其俗謂天曰宇因號宇文國并以為氏焉
普迴子莫那自陰山南徙始居遼西是曰獻侯為魏舅
生之國九世至侯豆歸為慕容晃所滅其子陵仕燕拜

附馬都尉封玄菟公魏道武將攻中山陵從慕容寶禦
之寶敗率甲騎五百歸魏拜都牧主賜爵安定侯天興
初徙豪傑於大都陵隨例遷武川馬陵生系系生韜竝
以武畧稱韜生肱任俠有氣幹正光末沃野鎮人破六
汗披陵作亂遠近多應之其偽署王衛可孤徒黨最盛
肱乃糾合鄉里斬可孤其衆乃散後避地中山遂陷於
鮮于脩禮脩禮令肱還統其部衆後為定州軍所破沒
於陣武成初追尊曰德皇帝太祖德皇帝之子仕西魏

為太師大冢宰大將軍封安定公恭帝三年薨世子嗣
大將軍位其年受魏禪即天王位是為孝閔帝追尊太
祖為文王武成初追尊文皇帝孝閔母曰文皇后在位
二百七十日為宇文護所廢太祖長子大將軍寧都郡
公立是為明帝母曰姚夫人即天王位四年年二十七
太祖第四子大將軍魯國公立是為武帝母曰叱奴太
后即皇帝位十八年年三十六太子立是為宣帝母曰
李太后在位二年傳位于太子是為靜帝宣帝自稱太

上皇年二十二靜帝母曰朱皇后在位二年禪於隋

後周

自閔帝丁丑歲建國至靜帝
辛丑凡三代五帝二十五年

隋高祖文帝姓楊氏弘農華陰人漢太尉震八代孫鉉
仕燕為北平太守鉉生元壽後魏代為武川鎮司馬子
孫因家焉元壽生太原太守惠嘏惠嘏生平原太守烈
烈生寧遠將軍禎禎生大司空隋國公忠從周太祖起
義關西賜姓普六茹氏開皇初追謚武元皇帝忠生高
祖受周禪即皇帝位復姓楊氏母曰呂皇后在位二十

四年年六十四太子立是為煬帝母曰獨孤皇后在位十四年唐高祖立帝之孫元德太子昭之子是為恭帝母曰韋妃在位二年禪於唐封為鄆國公明年堯年十

五

隋自高帝己酉建國至恭帝戊寅凡三代三帝三十八年

唐高祖神堯帝姓李氏隴西狄道人其先出自顓頊顓頊生大業大業生女華女華生咎繇其子孫綿歷虞夏代為理官遂為理氏殷末有理徵者直道不容獲罪於紂子利貞逃難於伊侯之墟食李實得全又改理為李

氏周時有李氏虔者生子曰重耳字伯陽周柱下史道家稱老君秦將李信即其後也信曾孫廣為漢前將軍自此後代為牧守廣十六葉孫李嵩是為涼武昭王薨子歆嗣位為沮渠蒙遜所滅歆子重耳奔於江南仕宋為汝南郡守復歸於魏拜弘農太守贈豫州刺史生熙起家金門鎮將後以良家子鎮於武川都督軍戎百姓之務終於位因遂家焉生天錫仕魏為幢主大統時追贈司空公生太祖景皇帝虎少儻有大志好讀書而

不存章句尤善射輕財重義雅尚名節深為太保賀拔
岳所重元顥之入雒也從岳擊平之以功封晉壽縣開
國子食邑三百戶拜寧朔將軍屯騎校尉復與岳破万
俟醜奴留鎮隴西累遷東雍州刺史尋轉衛將軍賀拔
岳既鎮隴右以太祖為左相大都督委以內外軍事岳
尋為侯莫陳悅所害太祖哭之甚慟陰懷復讐之志時
岳兄勝在荊州太祖星夜赴告勸勝入關收岳之衆勝
不能從俄而周文帝起兵圖悅太祖聞之自荊州還至

闕鄉為高歡將所獲送詣雒陽魏武帝將收關右見太祖甚喜拜為衛將軍賜以金帛鎮關中因與周文帝平侯莫陳悅遇高歡入雒太祖帥師迎魏武帝於潼關以功拜驍騎將軍加儀同三司遇靈州刺史曹泥擁兵作亂太祖率兵擊之時有破野頭賊屯聚塞下太祖遣使諭之皆來降服遂徵其衆并力攻泥四旬而尅靈州平會阿至羅部落別道斷其歸路太祖親率驍銳襲擊大破之悉虜其衆進封長安縣侯食邑五百戶太祖不受

讓於兄子康生周文帝許之後從文帝破高歡於沙苑
斬級居多有賊帥梁企定據河州作亂太祖以本官兼
尚書左僕射為隴右行臺總兵以擊之部將烏軍長命
潛與企定相連陰圖不軌太祖斬之以令三軍賊聞而
大懼不敢戰遁走河北太祖將濟師於河企定率衆降
獲男女數萬口以寶三輔進位開府儀同三司餘如故
南岐州兵楊益生馬僧等聚衆反與梁漢中相影響太
祖以還師便道擊之軍大散遣人諭以禍福益生遣使

偽降太祖察知其懷詐因令軍曰賊既降可休士放馬以俟還期遣其使反盆生大喜遂不為備放兵於外營求糧食太祖因而趨之天將曉圍城已合外兵不得還城中大擾因令壯士排闥而入無敢動者軍令嚴肅秋毫不犯於是安輯其衆留別人鎮守俘盆生以歸周文帝嘉歎之遣使勞問尋授岐州刺史遇莫折後熾寇秦州太祖又討之軍臨賊境後熾懼而降歸收其精卒數千人會丁母憂哀毀過禮及葬特給輜輶車太祖因廬

於墓側負土成墳優詔起令視事嘗與周文帝閱武於
北山下時有人為豹所噬無敢救者太祖不暇持杖趨
往捉豹殺之周文帝大悅曰公之名虎信不虛也後徙
封趙郡公歷渭秦二州刺史復擊叛胡平之徙封隴西
公進拜太尉遷右軍大都督柱國大將軍少師周受魏
禪錄佐命功居第一追封唐國公生世祖元皇帝昞世
祖性至孝沉深有識量少為周文帝所禮在位十七年
封汝陽縣伯食邑五百戶尋拜撫軍大將軍大都督通

直散騎常侍俄轉車騎大將軍襲封隴西公遷驃騎大將軍開府儀同三司侍中隋受禪襲封唐國公拜御中正大夫歷鄜州刺史安州總管為政簡靜甚獲當時之譽尋遷柱國大將軍贈少保同華等八州刺史高祖即元皇帝之世子母曰元貞皇后七歲襲封唐國公義寧二年受隋禪即皇帝位在位九年傳位於皇太子是為太宗年七十太宗母曰竇皇后在位二十三年年五十七太子立是為高宗母曰文德長孫皇后在位三十四

年年五十六太子立三十六日母武太后廢為廬陵王
立次子相王六年又降為皇嗣賜姓武氏太后遂革命
稱周凡十五年復以廬陵王為太子尋即皇帝位是為
中宗在位六年年五十五太子立是為少帝母韋庶人
臨朝凡十七日相王第三子臨淄王隆基平韋氏亂奉
相王即皇帝位是為睿宗在位三年年五十九太子立
是為玄宗母曰昭成竇皇后在位四十四年傳位於太
子是為肅宗玄宗稱太上皇年七十八肅宗母曰元獻

楊皇后在位七年年五十二太子立是為代宗母曰章
敬吳皇后在位十七年年五十四太子立是為德宗母
曰睿貞沈太后在位二十六年年六十四太子立是為
順宗母曰昭德王皇后在位百八十日傳位于太子是
為憲宗順宗稱太上皇年四十六憲宗母曰莊憲王太
后在位十五年年四十三太子立是為穆宗母曰懿安
郭太皇后在位四年年三十太子立是為敬宗母曰恭
僖王太后在位二年年十八弟穆宗第二子江王立是

為文宗母曰貞獻蕭皇后在位十四年年三十二弟穆
宗第五子頴王立是為武宗母曰宣懿韋皇后在位四
年年三十二憲宗第十三子皇太叔立是為宣宗母曰
孝明鄭皇后在位十三年年五十太子立是為懿宗母
曰元昭晁太后在位十四年年四十一太子立是為僖
宗母曰惠安王皇后在位十五年年二十七母弟立是
為昭宗在位十六年年三十八第九子輝王立是為哀
帝母曰積善何太后在位四年禪于梁梁封為濟陰王

金史卷一百一十五
卷一
明年堯年十七

唐自高祖戊寅歲建國至哀帝丁卯凡十五代二十帝通武后革命共二百九十年

年

後唐太祖武帝本姓朱耶氏其先隴右金城人也始祖拔野唐貞觀中為墨離軍使從太宗討高麗薛延陀有功為金方道副都護因家於瓜州太宗平薛延陀諸部於安西北庭置都護以屬之分同羅僕骨之人置沙陀都督府蓋北庭有磧曰沙陀故因以為名焉永徽中以拔野為都督其後子孫五世相承曾祖盡忠貞元中繼

為沙陁府都督既而為吐蕃所陷乃舉其族七千帳徙於甘州盡忠尋率部衆三萬東奔俄而吐蕃追兵大至盡忠戰沒祖執宜即盡忠之長子也收合餘衆至於靈州德宗命為陰山府都督元和初入為金吾將軍遷蔚州刺史代北行營招撫使莊宗即位追謚為昭烈皇帝廟號懿祖烈考國昌本名赤心仕唐朔州刺史咸通中討龐勛有功入為金吾上將軍賜姓李氏名國昌仍係鄭王一房出為振武節度使尋為吐蕃所襲退保於神

武川及武皇鎮太原表為代北軍節度使中和三年薨
莊宗即位追謚為文皇帝廟號獻祖太祖即獻祖之弟
三子也母曰秦氏仕唐為河東節度使累封晉王天祐
四年唐哀帝已禪于梁改元開平而太祖猶稱天祐至
五年薨年五十三長子嗣晉王位是為莊宗同光初追
謚為武皇帝廟號太祖莊宗母曰貞簡曹皇后天祐二
十年即皇帝位於鄴都其年平梁在位四年年四十三
蕃漢馬步總管李嗣源為三軍所立百寮勸進是為明

宗明宗北代人生於應州之金城縣世事太祖及其賜
姓也遂編入屬籍四代祖聿贈麟州刺史天成初追尊
為孝恭皇帝廟號惠祖曾祖教贈朔州刺史追尊為孝
質皇帝廟號毅祖祖琰贈蔚州刺史追尊為孝靖皇帝
廟號烈祖考寬贈汾州刺史追尊為孝成皇帝初孝成
事獻祖為愛將獻祖之失振武為吐渾所攻部下離散
孝成獨奮忠義解蔚州之圍明宗即孝成之元子母曰
劉氏追尊孝成懿皇后在位八年年六十七第三子宋

王立是為愍帝母曰昭懿皇后在位百五十日出奔於
衛州太后令降為鄂王薨年二十一明宗養子潞王立
是為末帝姓王氏鎮州人母曰宣憲魏皇后在位三年
年五十三晉高祖入雒自焚

後唐自莊宗癸未歲建國
至末帝丙申凡三代四主

十四
年

晉高祖姓石氏北京晉陽人也本衛大夫碣之後至漢
奮自河內徙家長安與子慶等德位俱盛時號萬石君
漢袁闕輔亂子孫流徙西裔有居甘州者四代祖璟以

唐元和中與沙陀軍都督朱耶氏靈武入附憲宗嘉之
隸為河東陰山府校以邊功累官至朔州刺史天福二
年追尊孝安皇帝廟號靖祖三代祖柳早薨贈右散騎
常侍追尊孝簡皇帝廟號肅祖祖昱任振武防禦使贈
尚書右僕射追尊孝平皇帝廟號睿祖考紹雍蕃字曰
臬振雞善騎射有經遠大畧始從後唐太祖平定巢賊
及事莊宗拒梁人戰上黨栢仁討薊門劉守光有功功
與周德威相亞德威鎮薊莊宗承制授平州刺史行事

多抗於德威德威憚其名嘗以禮下之俄改洺州刺史
薨於任贈太傅追尊孝元皇帝廟號憲祖高祖即憲祖
第二子也母曰何氏追謚孝元懿皇后高祖事後唐尚
明宗女永寧公主為河東節度使兼中書令封趙國公
清泰三年契丹酋長耶律氏至太原冊立為大晉皇帝
是年八雛在位七年年五十一從子齊王立是為少帝
父曰敬儒為莊宗騎將早薨母曰安太妃在位五年為

耶律氏所陷

晉自高祖丙申歲建國至少
帝丙午凡二代二主十一年

漢高祖姓劉氏其先本沙陔部人也四代祖湍追尊為
明元皇帝廟號文祖曾祖昂贈太保追尊為恭僖皇帝
廟號德祖祖俱贈太傅追尊為昭獻皇帝廟號翼祖考
典事後唐武皇為列校贈太師追尊為章聖皇帝廟號
顯祖高祖即顯祖之子母曰安氏追謚章懿皇后高祖
仕晉為河東節度使太尉兼中書令封北平王開運四
年正月晉少主為耶律氏所陷二月高祖即皇帝位于
太原稱天福十二年五月至東京在位二年年五十四

第二子周王立是為隱帝母曰李太后在位三年禪於

周

漢自高祖丁未歲建國至
庚戌凡二代二主共四年

周太祖姓郭氏邢州堯山人或云本常氏子幼隨母適
郭氏故冒其姓高祖璟廣順初追尊為睿和皇帝廟號
信祖曾祖諶贈太保追尊為明憲皇帝廟號僖祖祖蘊
贈太傅追尊為翼順皇帝廟號義祖考簡贈太師追尊
為章肅皇帝廟號慶祖初唐咸通中代北徐方用兵伐
叛信祖僖祖從戎師接戰以勇敢知名義祖事後唐武

皇為帳中親信乾寧中從征澤潞邢維累授河內馬步
軍都虞候武皇平安敬思再定邢維移授邢之軍職因
卜居堯山縣武皇經啓霸圖觀兵大鹵劉仁恭陸梁燕
薊窺伺中原梁氏蠶食兩河尋戈不息慶祖為武皇內
牙愛將專掌親軍指麾所行無不景從攻城野戰勇爵
崇高天復中武皇兵出居庸山北剋捷以慶祖為順州
刺史太祖即慶祖之子母曰王氏追謚章德皇后太祖
仕漢為樞密使兼侍中乾祐四年受漢禪在位四年年

五十一養子開封尹晉王立是為世宗本姓柴氏蓋太祖聖穆皇后之姪在位六年年三十九子梁王立是為恭帝在位一年禪於大宋

周自太祖辛亥歲建國至恭帝庚申凡三代三主共十年

冊府元龜卷一

欽定四庫全書

冊府元龜卷二

宋 王欽若等 撰

帝王部

誕聖

夫帝王之生必有休應豈非天命所屬歷數斯在警生
靈之耳目為天飛之兆朕者乎故神祇幽贊靈物保護
冥符夢感昭啓聖跡紛綸雜沓觸類而長諒不可談悉
矣歷代而下質文斯變緣情之禮隨時而作亦以極臣

子之誠顯邦家之慶紀乃誕日崇乎美名繇是陳宴享
之禮洽魚藻之歡設桑門之饌脩福田之事公卿士庶
為節物以相遺諸侯牧守奉貢珍而來觀斯亦一時之
盛觀百王之所不易者矣

伏羲氏母曰華胥燧人之世有大人之迹出雷澤華胥
履之生帝於成紀

神農氏母曰女登為少典妃遊華陽有神人身龍首感
女登於嘗陽而生帝

黃帝母曰附寶見大電光繞北斗樞星焰郊野感附寶而孕二十月而生帝於壽丘

少昊母曰女節黃帝時有大星如虹下流華渚女節夢接感而生帝

顓頊母曰女樞少昊之末瑤光之星貫月如虹感女樞於幽房之宮生帝於若水

高辛不見其母生而神靈自言其名曰俊

堯母曰慶都觀於三河嘗有龍隨之既而陰風四合赤

龍感之孕十四月而生帝於丹陵

舜母曰握登見大虹意感而生帝於姚墟

夏禹母曰脩己山行見流星貫昴夢接意感又吞神珠

背剖而生禹於石

一云背折而生

啓母曰塗山氏初禹治洪水通轅轅山化為熊謂塗山氏曰欲餉聞鼓聲乃來禹跳石誤中鼓塗山氏往見禹方作熊而去至嵩高山下化為石方生啓禹曰歸我子石破北方而啓生

湯母曰扶都見白氣貫月意感以乙日生湯故號天乙

周文王母曰太任夢長人感已溲于豕牢而生文王

漢高祖以秦昭王五十一年生於豐

臣欽若等曰自此以下有年無月及

無年月者史闕初母媪嘗息大澤之陂夢與神遇時雷電晦冥

父太公往視則見交龍於上已而有娠遂產高祖一云母名

舍始遊于維池有玉雞銜赤珠刻曰玉英吞此者王舍始取而吞之

惠帝以秦始皇三十七年生於豐

文帝以漢王四年生初帝母薄姬高祖召欲幸之對曰

金定口屋台言
卷二
昨暮夢龍據妾胸高祖曰是實貴徵也吾為汝成之遂
幸有身歲中生帝於河南

景帝以孝惠七年生於代宮

武帝以孝景前元年生於長安初帝母王夫人內太子

宮

臣欽若等曰太子即景帝也

太子幸愛之生三女一男男方娠夢

日入其懷以告太子太子曰是貴徵也遂生武帝

昭帝以太始三年生於鈞戈宮母曰趙婕妤

二字或從女

本

以有奇異幸

謂望氣者言有奇女天子氣

生帝亦奇異

十四月乃生

宣帝以征和二年生於太子宮

元帝以元平元年生於長安尚冠里

成帝以甘露三年生於甲觀畫堂

甲觀甲乙丙之次也畫堂畫以為飾

哀帝以河平四年生於定陶

平帝以元延四年生於中山

孺子以元始四年生於廣戚

後漢光武以建平元年十二月甲子夜生於濟陽縣舍

有赤光照室中

金史四
卷二
明帝以建武四年五月甲申生於嘗山元氏

章帝以中元二年生於雒陽

和帝以建初四年生於雒陽

殤帝以元興元年秋生於雒陽

安帝以永元六年生於清河邸

順帝以元初元年生於雒陽

冲帝以漢安二年生於雒陽

質帝以永和三年生於渤海

桓帝以陽嘉元年生於蠡吾

靈帝以永壽三年生於河間饒陽解瀆亭

弘農王以熹平二年八月丙寅生於雒陽宮

獻帝以光和四年三月癸巳生於雒陽宮帝母王美人
初妊娠畏何后服藥欲除之而胎安不動數夢負日而
行

魏文帝以後漢中平四年冬生於譙時有雲氣青色而
圜如車蓋當其上終日望氣者以為至貴之證非人臣

之氣

高貴鄉公以正始三年九月二十五日生其日天氣晴朗堂上黃雲炤耀久之乃散

晉元帝以咸寧二年生雒陽有神光之異一室盡明所藉藁如始刈

後魏道武母賀氏因遷徙遊於雲澤寢夢日出室內寤而見光自牖屬天欬然有感以建國三十四年七月七日生帝於叅合陂北其夜復有光明

明元以登國七年生於雲中宮

太武以天賜五年生於東宮

文成以太平真君元年六月生於東宮

獻文以興光元年七月生於陰山之北

孝文以皇興元年八月戊申生於平城宮神光照室天地氤氳和氣充塞

宣武母高夫人初夢為日所逐避於牀下日化為龍繞已數匝寤而驚遂有娠以太和七年閏四月生帝於平

城宮

孝明以永平三年三月丙戌生於宣化殿之東北有光照於庭中

後周太祖母王氏初孕五月夢抱子昇天不至而止寤以告德皇帝太祖父也帝喜曰雖不至天貴亦極矣及太祖

生有黑氣如蓋下覆其身

孝閔帝以西魏大統八年生於同州

明帝以永熙三年生於統萬城

武帝以大統九年生於同州有神光照室

宣帝以武成元年生於同州

靜帝以建德二年六月生於東宮

隋高祖以西魏大統七年六月癸丑夜生於馮翊般若寺紫氣充庭

唐高祖以後周天和元年十一月丁酉生於長安是日紫氣充庭神光照室

太宗以隋開皇十八年十二月戊午生於武功之別館

時有二龍戲於館門之外三日而去

高宗以貞觀二年六月生於東宮之麗正殿

中宗以顯慶元年十一月乙丑生於長安

睿宗以龍朔二年六月己未生於長安

玄宗以垂拱元年八月五日生於東都

開元十七年八月癸亥以降誕之日大置酒張樂宴百寮於花萼樓下終宴尚書左丞相源乾曜右丞相張說率文武百官等上表曰臣聞聖人出則日月記其初王

澤深則風俗傳其後故少昊著流虹之感商湯本玄鳥
之命孟夏有佛生之供仲春修道祖之籙追始樂原其
義一也伏惟開元神武皇帝陛下二氣合神九龍浴聖
清明總於玉露爽朗冠於金天月惟仲秋日在端午常
星不見之夜祥光照室之期羣臣相賀曰誕聖之辰也
馬可不以為嘉節乎比夫曲水禊亭重陽射圃五日絲
線七夕粉筵豈同年而語也臣等不勝大願請以八月
五日為千秋節

臣欽若等曰誕
聖節名始於此

著之甲令布於天下咸

令宴樂休假三日羣臣以是日獻甘露醇酎上萬歲壽

酒

臣欽若等曰
上壽自此始

王公戚里進金鏡綬帶士庶以絲結承

露囊更相遺問村社作壽酒宴樂名為賽白帝報田神

上明玄天光啓大聖下彰皇化垂裕無窮異域占風同

見美俗帝手詔報曰凡是節日或以天氣推移或因人

事表記八月五日當朕生辰感先聖之慶靈荷皇天之

眷命卿等請為令節上獻嘉名勝地良游清秋高興百

穀方熟萬寶以成自我作古舉無越禮朝野同歡是為

美事依卿來請宣付所司

十八年六月禮部奏請千秋節休假三日及村閭社會
竝就千秋節先賽白帝報田祖然後坐飲從之

八月丁亥御花萼樓以千秋節百官獻賀賜四品已上
金鏡珠囊縑綵賜五品以下束帛有差上賦八韻詩又

製秋景詩

臣欽若等曰自此已後或
連年不書皆史氏闕文

二十三年八月五日千秋節御花萼樓宴羣臣御製千
秋節詩序時小旱是日大澍雨百官等咸上表賀

二十四年八月五日千秋節帝御廣達樓宴羣臣奏九
部樂內出舞人繩伎頒賜有差下制曰自古風俗所傳
歲時相樂亦合因事大小在人朕生於仲秋厥日惟五
遂為嘉節感慶誠深今屬時和氣清年穀漸熟中外無
事朝野乂安不因此時何云燕喜卿等即宜坐飲相與
盡歡又召京兆父老等宴之宣勅曰今茲節日穀稼有
成頃年以來不及今歲百姓既足朕實多歡故於此時
與父老同宴自朝及野福慶同之竝宜坐食食訖樂飲

兼賜少物宴訖領取

天寶七載七月文武百官刑部尚書兼京兆尹蕭照等
及宗子咸上表請改千秋節為天長節從之

肅宗以景雲二年九月三日乙亥生於東宮之別殿祥
光照室至德元年七月即位二年九月戊寅以降誕日

王公已下咸有進獻帝以行在不受

臣欽若等曰時安
祿山盜據兩京故

曰行
在

乾元元年八月甲辰上皇降誕日於金明樓宴百官賜

綵五百疋二年九月丙寅帝降誕日宴百官於宣政殿
前賜絹三千疋

上元二年九月天成地平節

臣欽若等曰史不書置節年月

於三殿置

道場

代宗以開元十四年十月十三日生於東都上陽宮之
別殿時玄宗幸汝州之溫陽有望氣者云宮中有天子
氣玄宗即日還宮是夜帝降誕寶應元年四月即位十
月宰臣等上言今月十三日皇帝降誕日望准天長節

休假三日帝以山陵未畢不許宰臣又上言休假一日從之

永泰二年十月降誕日諸道節度使進獻珍玩衣服名馬二十餘萬計以陳上壽自是歲以為常

大曆二年十月降誕日宰臣及常叅官率錢修齋度僧尼道士凡數百人

三年十月降誕日諸道節度使上壽各獻衣服名馬及綾絹凡百餘萬

四年十月降誕日百僚於章敬寺修齋行香陳樂大會
六年十月降誕日脩衆僧齋于資聖寺百僚行香諸道
使各獻方物上壽

八年十月降誕日於資聖寺修一千僧齋度僧尼凡二
百餘人

九年十月降誕日百僚分寺觀行香頒賜茶藥

德宗以天寶元年四月癸巳生長安東宮別殿大厯十
四年五月即位貞元六年四月乙酉帝降誕日京師諸

司百官多於佛寺齋會

十二年四月庚辰帝降誕之日近歲常以其日會沙門
道士于麟德殿講論帝每謂三教與儒教所歸不殊但
內外跡用有異爾是日兼召儒官給事中徐岱兵部郎
中趙需禮部郎中許孟容四門博士韋渠牟與沙門談
延道士萬參成等數十人迭昇講坐論三教初如矛戟

森然相向後類江河同歸於海帝大悅頒賜有差

是歲昭義

節度使王虞休上表曰臣聞於師夫君子為能知樂是
故審音以知聲審樂以知政則治道備矣清明廣大終

始周旋與天地同其和與四時合其序豈止於鐘鼓管
磬云乎哉伏見開元天長節著于甲令每于是日海宇
懽娛稱萬壽之無疆樂一人之有慶故追堯接舜邁禹
踰湯自周已後不能議矣今陛下降誕之辰未有惟新
之典無乃臣子之分或有所闕愚臣不揆頑昧敢思祖
述之私歌竊怵忘寢與食久矣適遇有知音者與臣論
其章樂探微致真窮理盡情臣乃追造繼天誕聖樂一
曲大抵八宮為調表五音之奉君也以土為德知五運
之居中也凡二十五篇法二十四氣而足成一歲也每
篇一十六拍象八元八愷登庸於朝也冀與雲門咸池
永傳於律呂空桑絲竹合薦於宮縣不聞滯滯之聲長
作中和之樂可使九方之人頓忘於肉味四夷之俗皆
審於薰風與唐惟休終古盡善臣不勝懇款屏營之至
謹昧死陳獻以聞其所造曲譜謹同封進先時有太常
樂人劉玠流落至潞州虞休
因令造誕聖樂起於此也

順宗以上元二年正月十二日生

憲宗以大曆十三年二月十四日生永貞元年八月即位十二月太常奏太上皇正月十二日降誕皇帝二月十四日降誕竝請休假一日詔可

元和七年二月降誕日宰臣舉舊制例進衣一副李吉甫獨進馬二匹賜通天犀帶一條金石凌一合

九年二月降誕日御麟德殿垂簾命沙門道士三百五十人齋會于殿內食畢較論于高座晡而罷頒賜有差

穆宗以貞元十一年七月六日生於大明宮之別殿
元和十五年正月即位閏正月辛亥太常禮院奏准
玄宗降誕為千秋節肅宗降誕為天成地平節竝
假一日自後累聖降誕雖不別置節名其休假獻
餽如舊今皇帝七月六日降誕准故事合休假上禮
從之

七月乙巳詔曰昔者聖王之法以孝理天下也廣愛敬
之心推于四海盡奉養之志示于兆人然後自誠之化

有情思感朕以眇身祇荷鴻業皇太后就安長樂朝夕
承顏慈訓所加慶感兼極伏以今月六日是載誕之辰
奉迎皇太后宮中上壽朕既獲申歡慰亦欲公卿大夫
同之宜以今月六日平明於先順門集百寮及外命婦
進名賀皇太后朕御光順門內殿與百寮相見永為常
式又詔御麟德殿觀僧道講論頒賜有差先是尚書左
丞韋綬以東朝舊恩多所陳奏請降誕日詔百官詣光
順門先賀皇太后然後上皇帝壽書之史冊光示萬古

帝忻然納焉其後竟以降誕受賀禮無所據罷之

長慶元年七月庚子降誕日百寮於紫宸殿稱賀畢詣
昭德門外命婦詣光順門竝進門奉賀皇太后去年降
誕稱賀百寮與命婦竝集於光順門羣情以為非便故
改其儀

二年七月甲午降誕日宰臣率百寮入閣奉賀訖又詣
光順門進名賀皇太后

敬宗以元和四年六月九日生長慶四年正月即位四

月庚辰朔中書門下奏皇帝六月九日降誕伏准故事
休假一日從之其日帝御三殿命浮圖道士講論內官
及翰林學士諸軍士駙馬皆從既罷賞賜有差

寶曆元年六月勅降誕日文武百寮於紫宸殿稱賀及
詣光順門奉賀皇太后自今已後宜停國朝本無降誕
日賀儀蓋長慶初尚書左丞韋綬率情上疏行此禮至
是方罷

二年六月降誕日御三殿命兵部侍郎丁公著太常少

卿陸亘前隨州刺史李繁與浮圖道士講論內官翰林
學士及諸軍使公主駙馬皆從既罷賞賜有差

文宗以元和四年十月十日生太和元年十月降誕日
召祕書監白居易等與僧惟應道士趙常盈於麟德殿
講論賜錦綵有差

二年十月壬戌以降誕日召吏部侍郎楊嗣復吏部郎
中崔戎等赴麟德殿講論賜錦綵銀器有差

四年十月辛亥降誕日命道士僧徒講論于麟德殿是

月鹽鐵使王涯進降誕綾羅錦綵等共一萬四千八百匹銀器一百事判度支王起進綾絹夾纈雜綵等共一萬四千三百匹御衣一副鏡一面諸方鎮稱是

五年十月甲戌降誕日命沙門道士講論于麟德殿七年八月中書門下奏臣聞帝王有必著之符神靈無虛應之兆所以電繞樞極氣感虹流玄鳥祚商赤光啓漢考驗今古章焯圖書伏惟皇帝陛下馭三統之元膺千年之運當誕聖之日為河清之祥玄律應期乾宮以之

定位開冬戒節水德表其靈長道若合符事光載籍臣
等伏見前史稱漢宣之德則曰修武帝故事並以漢之
隆平莫如武帝後之為理無及孝宣舉此二主以為極
盛今陛下功濟天下道覆寰中威統百靈宰御羣品脩
祖宗之德莫如貞觀開元且太宗幸慶善之宮即降誕
之所賦詩賜宴播為樂章玄宗降聖之辰為千秋之節
王公上壽士庶交歡流于管絃書之甲令此時張說宋
璟歷懇獻章二臣之心必無違禮國史所載昭然可徵

近者廣集緇黃多為法會誠有資於景福且未叶於舊儀夫四時成歲百穀成實必在首冬用成神化今臣等不勝大願請以十月十日為慶成節著在令式以示四方是日陛下於宮中奉迎太皇太后與昆弟諸王盛陳宴樂羣臣詣延英門奉觴上千萬歲壽天下州府置宴一日積嘉祚於元命慶延洪於昌期上表中興之耿光次復開元之盛典臣等無任悽悽懇款之至制曰省表具知朕以誕生之日延集緇黃式遵常儀用宏二教卿

等啓心輔德叶志納忠稽貞觀開元之舊章述慶善千
秋之令範爰崇誕日請號慶成顧予寡昧懼忝彝典今
以同歡心於萬國申盛禮於兩宮深嘉誠勤是用依允
十月甲午延英對宰臣因謂曰降誕設齋起自近代朕
緣相承已久未可便草雖置齋會唯對源中等暫入殿
臣欽若等曰源中
姓王為翰林學士至僧道講論時盡不臨聽宰臣等奏
曰伏以誕聖之辰普天同慶陛下只合侍皇太后與諸
王盛陳宴樂以奉慈顏齊會誠資景福且非中國教化

伏自開元十七年張說宋璟請以降誕為千秋節事頗得宜今若修祖宗故事至是日奉迎兩宮太后歡宴實為盛美帝深然之

八年九月勅慶成節宜令百寮詣延英上壽仍令太常寺具儀注聞奏仍准上巳重陽例於曲江錫宴

九年十月慶成節詔宰臣及文武百官慶成節赴延英殿庭奉觴稱賀禮畢錫宴於曲江亭

開成元年十月慶成節宴于延英殿太常進雲韶樂宰

臣及翰林學士赴宴又錫百寮宴於曲江

二年九月詔曰慶成節朕之生辰天下賜宴庶同歡泰不欲屠宰用表好生非是信尚空門將希無妄之福恐中外臣庶不諭朕懷廣置齋筵大集僧衆非獨凋耗物力兼恐致惑生靈自今宴會蔬食任陳脯醢永為常例咸使聞知又詔慶成節宜令京兆府准上巳重陽於曲江宴會文武百寮奉觴宜權停又詔慶成節假宜依上元日休假三日十月降誕日帝幸十六宅與諸王宴樂

是日賜宴百寮于曲江

三年十月慶成節命人以酒脯并仙韶樂錫中書門下及文武百寮宴於曲江亭

四年十月慶成節宴中書門下及文武百寮於曲江亭命人以酒脯及仙韶樂宣錫之

武宗以元和九年六月十一日生開成五年正月即位五月中書奏請以六月十一日帝載誕日為慶陽節從之

會昌元年五月辛未勅慶陽節百官率醵外別賜錢三百貫文以素食合宴仍委京兆府量事陳設不用追集方市歌舞

宣宗以元和五年六月二十二日生會昌六年三月即位號壽昌節

懿宗以太和七年十一月十四日生大中十三年八月即位號延慶節

僖宗以咸通三年五月八日生於東內十四年七月即

位號應天節

昭宗以咸通八年三月二十二日生於長安東內文德
元年三月即位龍紀元年三月帝載誕之日宰臣等表
為嘉會節從之羣臣上表賀曰臣聞聖人受命天必降
其殊靈王者應生國必蒙其介祉故華渚有流虹之異
玄樞呈大電之祥而皆近感神明遠符乾象叶千年而
啓運契六合以居尊伏惟皇帝陛下德邁方圓道融三
五因社鳴而正位逢井聚以樂推膺彼昌期宏斯丕構

今者發生司律歷數在躬值清明馭氣之時當仁壽悅
隨之始固可年同鶴算歲比山呼永符垂拱之風長保
後天之慶

哀帝以景福元年九月三日生天祐元年八月即位
是月中書門下奏皇帝九月三日降誕伏以電曜繞樞
軒頊乃降天之日光輝照室明元寶命代之辰爰自我
朝乃崇令節著為故事抑播前文伏惟皇帝陛下九五
飛龍四三應運國稱利見天表殊休當誕聖之時感真

人以衛室居在藩之際實羽客以獻符是以克紹丕圖
光膺寶祚敢循故典爰定美文臣等商量以降誕日為
乾和節易曰乾健也蓋乾以自強不息和則衆彙皆同
遠徵易文實諧聖德請依令式休假獻賀從之詔文武
百寮諸軍諸使諸道進奉官准故事於寺觀設齋不得
宰殺只許酒果脯醢

後唐莊宗以光啓元年十月癸亥生於晉陽宮在妊時
太后嘗夢神人黑衣擁扇夾侍左右載誕之辰紫氣出

於牕戶同光元年十月壬辰萬壽節百官齋會於開封府

二年十月丁亥萬壽節宴羣臣於長春殿

三年十月辛巳萬壽節宴長春殿賜百官分物

明宗以咸通八年九月生於代北之金鳳城

天成元年六月中書奏九月九日皇帝降誕之辰舊例特置節名以其日為應聖節休假三日仍令京都天下設樂以申祝壽從之

九月九日應聖節百寮於敬愛寺設僧齋召緇黃衆於
中興殿論難經義

二年九月九日應聖節四方諸侯並有進獻丁巳百官
奉為應聖節於敬愛寺行香設齋宣教坊伎宴樂之宰
臣樞密使以下咸進壽酒各賜錦衣召兩街僧道於中
興殿講論

三年九月九日應聖節召兩街僧道談經於崇元殿宰
相進壽酒百官行香修齋於相國寺宣教坊樂及左右

廂百戲以宴樂之又僧道虛受等賜紫衣師號共六十人

四年九月九日應聖節百官於敬愛寺齋設賜宰臣錦袍香囊手帕酒樂帝御廣壽殿近臣獻壽各頒錦袍復御中興殿聽僧道講論

長興元年九月九日應聖節百官於敬愛寺齋設帝御廣壽殿聽僧道講論

二年九月九日應聖節帝御中興殿觀僧道講論賜物

有差

閔帝以天祐十一年十一月二十八日庚申生於晉陽
舊第

末帝以光啓元年正月二十三日己卯生於平山

清泰元年九月壬申宰臣李愚等奏臣覽國史開元十
七年宰臣張說源乾曜奏改朔體元固聖主之能事良
辰嘉會亦俗化之大端蓋周人有合宴之儀漢代有賜
酺之律所以歌詠皇德啓迪人情至若泛菊高臺遂號

重陽之節流杯曲水永為上巳之游在昔偶行於今不
改豈足比君臨四海運應千年畫璿圖而敬授民時秉
玉燭而節宣和氣身為律度德合乾坤仰惟樞電之祥
最是寰區之樂願從人欲特創節名封函尋示於允俞
自此永編於令式舊章斯在列聖嘗行將有擬倫預慙
膚淺伏惟皇帝陛下動遵典法克叶祖宗方今玉鏡高
懸璿樞廣運告成功於朝社正大禮於宮闈是以舜干
率服於三苗班瑞雍熙於萬國臣等以獻歲元正之月

是猗蘭降聖之辰梅花映雪於上林椒酒迎春於祕殿
江邊野老願鑿輅之時巡陌上遊童醉堯樽而獻祝謂
於是月特舉節名副與人共樂之言致率土交歡之義
臣等謹案玄宗皇帝以八月五日載誕張說等請以其
日為千秋節臣等不揆庸暗輒體憲章請以來年正月
降聖日為千春節從之

二年正月乙巳中書門下奏遇千春節凡刑獄公事奏
覆候次月施行今後請重繫者即俟次月輕繫者即誕

聖節前奏覆決遣從之戊戌於佛寺供僧張樂甲子宴羣臣於長春殿

晉高祖以唐景福元年二月二十八日生於太原汾陽里時有白氣充庭

天福元年十二月宰臣馮道等奏曰臣聞惟睿作聖千年乃契於貞期大德曰生萬國咸思於令節將詮懿號仰慶休辰傾心未出於常名近意有塵於嘉會伏惟皇帝陛下應天順人握圖御寓拯寰瀛於否極俾動植以

泰來允符鳴社之祥方顯繞樞之瑞而况斗柄正卯律
吹仲春當帝王出震之方是天地同和之月斯辰誕聖
衆靈咸歸顧前代而罕同在舊章而宜舉垂諸不朽簡
編既溢於徽猷必也正名稱謂須符於景貺伏願以來
年二月二十八日為天和節庶夫觴稱萬壽稍申將順
之心節配四時永洽好生之德從之

二年二月辛亥天和節帝御長春殿召左右街僧錄威
儀入內談經

十月兩浙錢元瓘進天和節大排方龍座金腰帶一御
衣十二事

三年二月乙巳天和節岳牧玉帛皆至是日宴近臣於
廣政殿召僧道講論各賜有差

四年二月庚子以天和節宴羣臣於廣政殿賜物有差

臣欽若等曰五
年事史臣不書

六年二月戊午天和節宴羣臣於廣政殿賜道釋紫衣
師號并寺額

十月福州進天和節銀一千兩

七年二月壬子天和節帝御武德殿宰臣率文武百官上壽如儀退就佛寺行香宴樂而罷其年詔天下郡縣不得以天和節禁屠宰輒滯刑獄

少帝以天祐十一年六月二十七日生於太原汾陽里天福七年六月即位八年六月宰臣馮道以誕辰率文武百官上表曰臣等聞大電繞樞哲后繼犧農之運五星聚井真人啓文景之基昌圖允洽於千年嘉號宜光

於載誕不有稱述曷顯休明伏惟皇帝陛下玉律調元
金華啓旦上帝錫九齡之夢道人聞下武之詩德協無
為民知有慶當大雨時行之日乃常星不見之辰將歡
寓縣之心竊效華封之祝臣等不勝大願望以六月二
十七日為啓聖節著于甲令告彼萬方使地角天涯望
南山而祝壽九州四海仰北極以傾心誠乖致主之功
輒敢稱君之美從之

漢高祖以唐乾寧二年二月四日生於太原以晉開運

四年即位於太原宮復稱天福十二年是年八月文武百寮上表請以二月四日降誕日為聖壽節從之

隱帝以唐長興二年三月九日生於鄴都之舊第乾祐元年十二月辛卯百寮上表曰色變長瀾肇皇靈之寶構光流華渚開聖緒於瑤圖莫不慶洽同文光昭大象刻玉波汭於鳳紀鳴金颺振於洪猷所以顥氣凝空編為令典神光燭夜允叶昌期皇帝陛下守位以仁繼明以德化敷有感慶洽無疆當九龍洽聖之辰是五緯聯

光之夕凡蒙地載共祝天長皇帝三月九日誕聖請以
其日為嘉慶節休假三日羣臣宴樂上壽從之

二年三月壬子嘉慶節羣臣詣佛寺齋設祝壽

三年三月丙子嘉慶節御廣政殿文武百寮上壽酒初
舉樂將相大臣獻金寶鞍馬為壽禮畢羣臣入相國寺
齋設賜教坊樂

周太祖以唐天祐甲子歲七月二十八日庚寅之夕生
於堯山之舊宅載誕之夕赤光照室初有聲如爐炭之

裂星火四迸母王氏懼戒使者曰勿外言

廣順元年六月甲午宰臣率百官上表曰恭以少昊乘
乾曳祥虹於華渚軒轅出震流瑞電於樞星所以玉牒
表天地之貞金策纂皇王之異仰惟聖德允叶昌期伏
惟聖帝陛下德輝三五道煥古今開階成周室之昌啓
運得堯基之典豈可使方濁澄明之狀未顯洪名圖清
燦爛之文不章懿號臣等傾誠紫禁都慶丹丘願隆百
代之基冀正萬年之祚臣等請以七月二十八日皇帝

降聖日為永壽節羣臣上壽內外宴樂從之

七月戊子永壽節帝御廣政殿百寮進酒上壽班退賜衣服分物有差羣臣赴相國寺齋設

二年四月癸丑勅永壽節每年諸道節度防禦團練等使刺史奏薦僧尼道士紫衣師號等今後見任節度使帶使相僧尼道士紫衣師號可共奏三人見任節度使不帶使相共二人見任防禦團練刺史等祇奏一人在朝文武臣寮及前任官今後更不得奏薦七月丙辰勅

內外文武臣寮遇永壽節辰皆於寺觀起置道場便為齋供訪聞皆是率釀不唯牽費兼且勞煩念忠節以可嘉在誠抱而增愧所宜減損以便公私今後中書門下與文武百寮共設一齋樞密使與內諸司使副使等共設一齋侍衛親軍馬步都指揮使已下共設一齋其餘前任官員及諸司職掌竝不得更請開置道場及設齋壬午永壽節羣臣詣廣政殿上壽畢赴相國寺齋設宰臣學士內諸司使前任節度使防禦團練等使侍御諸

軍都將刺史等賜衣各一襲

三年七月京城居民晁緒等言以永壽節各於門首齋
燃燈三晝夜從之乙巳永壽節太祖御永福殿羣臣上
壽賜將相大臣禁軍大將等衣有差羣臣赴僧寺齋會
世宗以唐天祐十八年九月二十四日丙午生於邢臺
之別墅

順德元年七月壬辰文武百寮上表曰伏以壽丘降跡
爰符出震之期里社應祥式契乘乾之運頊觀舊史抑

有彛章幸當載誕之辰仰奉延洪之稱伏惟皇帝陛下
道超九聖祚啓千齡紹文武之耿光比成康之迪哲自
登天寶益顯聖功運龍韜而親御戎車仗金鉞而立平
賊寇破幽并之妖孽救澤潞之生靈觀兵而直抵晉陽
奮武而遠臨代北元兇假息雜虜摧鋒還京闕而契人
心謁園陵而伸孝道飲至纔踰於旬日覃恩已被於八
方四塞關山漸息煙塵之警萬邦臣妾咸登仁壽之鄉
今則候屬澄河時當降聖是甲觀懸弧之日乃銅律禦

戶之時鰈水鷄林望堯雲而獻祝桓圭穀璧趨禹會以
駿奔臣等叨遇休明俱塵祿位荷君父巍巍之德伸臣
子悽悽之誠祇率典謨尊奉宸極臣等不勝大願謹以
九月二十四日降誕日奉上節名為天清節所冀金相
玉振貞寶歷以彌新地久天長煥青編而不朽從之

九月乙未天清節帝御廣政殿宰臣率文武百寮上壽
如儀頌賚有差

二年九月己丑天清節帝御廣政殿文武百寮上壽

三年九月癸丑天清節賜文武臣寮衣有差宰臣率百官詣廣政殿上壽如儀

四年九月丁未天清節百辟上壽如儀賜內外臣寮衣有差

五年九月壬子天清節賜文武臣寮衣有差既而詣廣德殿上壽江南進奉使高崇義代李景捧壽觴以獻既罷百官詣相國寺修齋

恭帝以廣順三年八月四日生於澶州之府第顯德六

年即位其年文武臣寮上表請以八月四日為天壽節
從之

冊府元龜卷二

欽定四庫全書

冊府元龜卷三

宋 王欽若等 撰

帝王部

名諱

周官小史掌王之名諱名諱之起繇周道也上古帝王
敦尚質樸名號雖建制度未備故堯舜則有放勳重華
之名而禹湯又去唐虞之文從高陽之質以名為號先
儒之說或以為名或以為字或以為諡而尚書所紀即

皆褒德之稱蓋傳述之異也自漢以來所記詳矣至若
貴易諱而難知避五行之勝伏亦皆有旨焉

黃帝名曰軒轅蓋受國於有熊居軒轅之丘因以為名
又以為號又云作軒冕之服故謂之軒轅

少昊名摯字青陽

顓頊高陽

帝嚳高辛

高陽高辛皆所興之地名顓頊與嚳皆以字為號上古質故也

帝摯

帝堯名放勳

帝舜名重華

夏禹名文命

帝啓

帝太康

帝仲康

帝相

帝少康

帝宁 一作杼

帝槐

帝芒

帝泄

帝不降

帝局

帝塵

帝孔甲

帝皋

帝發

帝履癸是為桀

殷湯名履字天乙

帝外丙

帝仲壬

帝太甲

帝沃丁

帝太庚

帝小甲

帝雍己

帝太戊

帝仲丁

帝外壬

帝河亶甲

帝祖乙

帝祖辛

帝沃甲

帝祖丁

帝南庚

帝陽甲

帝盤庚

帝小辛

帝小乙

帝武丁

帝祖庚

帝祖甲

一作帝甲

帝廩辛

帝庚丁

帝武乙

帝太丁

帝乙

帝辛是為紂

周文王昌

武王發

成王誦

康王釗

昭王瑕

穆王滿

恭王瓘扈

一作伊扈

懿王寤

一作寤

孝王辟方

一单名方

夷王燮

厲王胡

宣王靜

幽王宮涅

平王宜臼

桓王林

莊王佗

釐王胡齊

惠王闔

襄王鄭

頃王壬臣

匡王班

定王瑜

簡王夷

靈王泄心

景王貴

悼王猛

敬王丐

元王仁

一曰赤元王

定王介

一曰具定王

哀王去病

思王叔

考王嵬

威烈王午

安王驕

烈王喜

顯王扁

慎靚王定

赧王延

漢高祖皇帝諱邦字季邦之字曰國臣下所避以相代

也

惠帝諱盈之字曰滿

文帝諱恒之字曰常

景帝諱啓之字曰開

武帝諱徹之字曰通

昌邑王諱賀

臣欽若等曰史氏不載其諱字

昭帝諱弗之字曰不帝初為皇太子名弗陵後但名弗

以二名難諱也

宣帝諱詢字次卿詢之字曰謀帝初名病已蓋以夙遭
此難而多病故名之欲其速差也元康二年詔曰聞古
天子之名難知而易諱也今百姓多上書觸諱以犯罪
者朕甚憐之其更諱詢諸觸諱在令前者赦之

元帝諱奭之字曰盛

成帝諱騫之字曰俊帝初生於太子宮為世嫡皇孫宣
帝愛之字曰太孫

哀帝諱欣之字曰喜

平帝諱衍之字曰樂帝初名箕子元始二年詔曰皇帝

二名通於器物

箕用器也故云通于器物

今更名合於古制使太師

光奉太牢告祠高廟

後漢光武皇帝諱秀字文叔秀之字曰茂初光武生濟

陽縣舍是歲縣界有嘉禾生一莖九穗因名曰秀

明帝諱莊之字曰嚴

章帝諱烜

丁遠切

之字曰著

和帝諱肇之字曰始

殤帝諱隆之字曰盛改河內隆慮為林慮

安帝諱佑之字曰福

順帝諱保之字曰守

冲帝諱炳之字曰明

質帝諱續之字曰繼

桓帝諱志之字曰意

靈帝諱宏之字曰大

獻帝諱協字伯和協之字曰合

靈帝以帝似已故名之

魏文帝諱丕字子桓

明帝諱叡字元仲

齊王諱芳字蘭卿

高貴鄉公諱髦字彥士

陳留王諱奐字景明初為嘗道鄉公名璜甘露五年五月己丑高貴鄉公卒皇太后立之詔曰古者人君之為名字難犯而易諱今嘗道鄉公諱字甚難避其令朝臣博議改易列奏遂改之

晉武帝諱炎字安世

惠帝諱衷字正度

懷帝諱熾字豐美

愍帝諱鄴字彥旗建興元年即位改建鄴為建康改鄴為臨漳

元帝諱睿字景文

明帝諱紹字道畿

成帝諱衍字世根

康帝諱岳字世同

穆帝諱聃字彭子

哀帝諱丕字千齡

簡文帝諱昱字道萬

孝武帝諱曜字昌明

安帝諱德宗字德宗

恭帝諱德文字德文

後魏道武帝諱珪

明元帝諱嗣

太武帝諱燾

文成帝諱濬

獻文帝諱弘

孝文帝諱宏

宣武帝諱恪

孝明帝諱詡

孝莊帝諱子攸

前廢帝

亦曰節閔

諱恭字修業

後廢帝諱朗字仲哲

孝武帝

亦曰出帝

諱循字孝則

西魏文帝諱寶炬

廢帝諱欽

恭帝諱廓

後周愍帝諱覺字陀羅尼

明帝諱毓小名統萬突太祖長子太祖臨夏州生帝統

萬城因以名焉

武帝諱邕字禰羅寔

宣帝諱贊

靜帝諱闡初名衍

隋高祖諱堅小名那邏延

煬帝諱廣一名英小字阿麼長壽元年立為皇太子改
廣川縣為長河縣

恭帝諱侑

唐高祖諱淵

太宗諱世民幼時有相者云未年二十當濟世安民高祖以為神陰採濟世安民之義遂以名焉武德九年立為皇太子令曰依禮二名義不偏諱尼父達聖非無前指近代以來曲為節制兩字兼避廢闕已多率意而行有違經誥今宜依據禮典務從簡約仰效先哲垂法將來其官號人名及公私文籍有世及民兩字不連讀者並不須避至高宗即位乃改民部為戶部以避之

高宗諱治即位初有司請改治書侍御史為御史中丞
諸州治中為司馬治禮郎為奉禮郎帝以貞觀時不廢
先帝二字不許有司奏曰先帝二名禮不偏諱上既單
名臣子不敢指斥從之

顯慶五年正月壬寅詔曰孔宣設教正名為首戴聖貽
範嫌名不諱比見鈔寫古典至於朕名或缺其點畫或
隨便改換恐六籍雅言會意多與九流通義指事全違
誠非立書之本意自今以後繕寫舊典文字竝宜使成

不須隨義改易

中宗諱顯儀鳳二年十月封英王改名哲聖歷元年冊
為皇太子復名顯神龍元年正月即位改顯政殿為昭
慶殿顯德殿為章德殿顯聖侯廟為昭聖侯廟

睿宗諱旦初名旭輪總章二年封冀王單名輪永淳三
年始改名旦

玄宗諱隆基先天二年正月詔改隆州為閬州自餘州
縣等名有與皇帝名同者便令所司改定至寶歷元年

正月太常寺禮院上言玄宗廟諱准故事祧遷後不當更諱制可之

肅宗諱亨初名嗣昇開元十五年改名浚二十三年改名璵二十八年改名紹有獻書者言宋太子名劬惡其聲類天寶三載又改名亨

代宗諱豫初名倣乾元元年十月立為皇太子因降誕日豫州奏百姓李氏有嘉禾生及是冊禮肅宗詔改名豫寶應元年即位改豫州為蔡州泗州宿豫縣改為宿

遷縣兗州方輿縣改為魚臺縣洪州豫章縣改為鍾陵縣豫寧縣改為武寧縣古州樂豫縣改為樂山縣

德宗諱适大厯十四年即位改括州為處州括蒼縣為麗水縣

順宗諱誦憲宗元和二年八月刑部奏改律卷第八為

鬪競律

咸通十二年分司侍御史李谿進狀曰臣准西臺牒及金部稱奉六月二十七日勅內園院郝

景全事奏狀內訟字音與廟諱同奉勅罰臣一季俸者右臣官位至卑得蒙罰俸屈與不屈不合有以事至分明別闕理體若便隱默恐負聖時願陛下寬其罪戾使

得盡言臣前奏狀稱准勅因事告事旁訟他人是咸通

十一年十月十三日勅語臣狀中具有准勅字非臣自撰辭句臣謹按禮不諱嫌名又按職制律諸犯廟諱嫌名不坐注云謂若禹與雨疏云謂聲同而字異注疏重復至易分曉伏惟睿文英武明德至仁大聖廣孝皇帝陛下明過帝堯孝踰大舜豈自發制勅而不避諱哉故是審量禮律以為無妨耳即引陛下勅文而言不敢擅有移改不謂內園使有此論奏也臣之罰俸實為小屈然今者非敢訴此罰俸也實以從來制勅及百官表奏曾有避嫌名例而因臣致罰即舊章自此有援引勅格者亦須委曲迴避便成訛弊臣今已罰俸不合上聞臣聞趙充國為將不嫌伐一時事以為漢家後法魏徵為相不存形迹以致貞觀太平臣雖未及將相忝為陛下持憲之臣豈可以論俸為嫌而使國家勅命有誤也且順宗廟諱萬國儀刑誠不可同於小事願陛下留意察納別下明勅使自後章奏遵禮律處分則天下幸甚勅尋免所罰

憲宗諱純初名淳貞元二十一年冊為皇太子始更之
永貞元年即位改桂州純化縣為慕化縣蒙州純義縣
為正義縣又改淳州為睦州還淳縣為清溪縣橫州淳
風縣為從化縣淳于姓改為于以音與帝同名故也古
者不諱嫌名禹與雨丘與區臨文不諱文王名昌武王
名發周詩曰克昌厥後又曰一之日觶發魯莊公名同
春秋曰同盟于幽襄公名午書曰陳侯午卒之類是也
古今時變故廣避焉

穆宗諱

同于真宗

初名宥元和七年立為皇太子始更之十

五年即位改常岳為鎮岳常州為鎮州定州常陽縣為
曲陽縣常王房子孫為泚王房

敬宗諱湛

文宗諱昂初名涵即位更之

武宗諱炎初名漚會昌六年三月制曰王者照臨萬寓
名豈尚于難知敬順五行理宜避于勝伏徵諸前史義
實炳然昔炎漢之興雒傍去水所都名號猶乃避之况

我國家祚昌土德豈可以王氣勝于君名所以憲宗繼
明之初貴以捨水必有冥數協于禎祥漢宣帝柔服北
夷弘其祖業功德之盛侔於周宣御歷十年乃從美稱
朕遠追大漢之事近稟聖祖之謀爰擇嘉名式遵令典
庶承天意永保鴻休宜改名為炎仍令所司擇日分命
宰臣告天地宗廟其舊名中外奏章不得更有迴避告
報遐邇咸遂聞知

宣宗諱忱初名怡即位更之

懿宗諱淮初名温大中十三年八月立為皇太子始更之

僖宗諱儼初封晉王名儼咸通十四年七月立為皇太子乃更之

昭宗諱敏初名傑龍紀元年十一月辛亥將有事於園丘始更之

哀帝諱祝初封輝王名祚天祐元年八月立為皇太子監國乃更之即位先是太常寺有止鼓兩字樂器上字

犯御名中書門下奏臣等謹按故事漢室以北山改郡
蓋為文皇國朝以復姓稱于實緣憲祖或易建康之縣
或更昭穆之音皆因踐祚之初合舉避行之典按爾雅
釋樂篇鼓謂之止敵謂之甄今者陛下肇承丕祚始值
遷都凡厥惟新式叶正始竊詳爾雅肇亦訓始臣等商
量望改為肇從之

後唐莊宗諱存勗

明宗諱亶初名嗣源天成元年六月勅曰古者酌禮以

制名懼廢於物難犯而易避貴便於時况徵彼二名抑
有前例以太宗文皇帝自登寶位不改舊稱時即臣有
世南官有民部靡聞曲避止禁連呼朕猥以眇躬託于
人上止遵聖範非敢自尊應文書內所有二字但不連
稱不得迴避如是臣下之名不欲與君親同字者任自
改更務從私便庶體朕懷

二年正月制曰王者祇敬宗祧統臨寰宇必順體元之
典特新制義之文朕以眇躬獲承丕構襲三百年之休

運繼二十聖之耿光馭朽納隍夕惕之心罔怠法天師
古日躋之道惟勤令則載戢干戈混同書軌荷玄穹之
睠佑契兆庶之樂推簡玉泥金非敢期於薄德耕田鑿
井誠有慕於前王將陳享謁之儀即備郊丘之禮宜更
稱謂永擢簡編令改為亶凡在中外宜體朕懷宣記百

寮稱賀兼差官告郊廟社稷

清泰二年五月中書門下
奏准天成元年正月十六

日勅本朝列聖及四廟諱近日中外表疏偏旁文字皆
闕點畫凡當出諱止避正呼僮迴避於偏旁則虧闕於
文字宜從朴素庶便公私凡廟諱但迴避正文其偏旁
文字不在減少點畫今定州節度使楊壇檀州金壇縣

等名酌情制義並請改之其表章文案偏旁字闕點畫凡臣寮名涉偏旁亦請改之詔曰偏旁文字音韻懸殊止避正呼不宜全改楊壇宜賜名光遠其餘依奏

愍帝諱從厚小字菩薩奴

末帝諱從珂清泰二年中書言御名上一字與諸王相連太宗玄宗故事人臣諸王合避相聯字單名從之

晉高祖諱敬瑭少帝夫福七年勅應殿名及州縣名職名等有與高祖諱犯者悉改之明堂為宣德殿唐州為沁州思唐州為思化州密州附唐縣為膠西縣蔚州興

唐縣為靈山縣博州堂邑為河濱高唐為濟城定州唐
縣為博陵莫州唐興為宜州真定府行唐為永昌堂陽
為蒲澤彭州唐化為彭山蜀州唐興為鄉城道州延唐
為延喜福州福唐為南臺壽州盛唐為來化鄂州唐年
為臨江杭州錢唐為錢江唐山為橫山台州唐興為台
興隨州唐城為漢東代州唐林為廣武漢州金堂為漢
城合州石鏡為仙覽復州竟陵為景陵中書政事堂為
廳堂後官諸房頭為錄事餘竝為主事所有諸邑人姓

名犯者竝改又改陝府甘棠驛為通津驛

少帝諱重榮

漢高祖本名知遠即位初前邠州節度使折從遠改名從阮

乾祐元年勅曰朕祇膺景命肇啓鴻圖適當建號之初宜舉正名之典夫名以制義義以出禮禮以體政政以養民載考格言抑有彝訓顧性寡昧敢忘率循但君父之名貴於易避臣子之敬難以斥尊苟觸類以妨言必

迂文而害理况宗廟方建禋祀匪遙祝嘏將期於正辭
稱謂所宜於稽古爰從改革庶叶典章凡百臣寮當體
朕意令改名曷故茲札示想宜知悉

少帝諱承祐

周太祖諱威廣順元年正月即位相州張彥成澶州李
洪義侍衛步軍指揮使曹英前陳州刺史馬令琮慶州
刺史郭彥欽皆以名下一字與御名同改為成義英琮
欽

二月涇州節度使史康懿言臣名下一字與御名同改之


三月詔鄧州軍額改為武勝軍靈武屬郡宜改為環州避御名也

八月環州刺史雷彥洪以名下一字犯御名改之

十二月御史臺奏唐景雲三年改左右屯衛大將軍為威衛又唐高宗名治其時改治書御史為御史中丞諸州治中為司馬蓋臣子上書合避名也請諸衛中舊是

屯衛者復舊名從之

世宗諱榮



冊府元龜卷三

欽定四庫全書

子部
冊府元龜卷
五四

詳校官中書臣瞿照

員外郎臣牛稔文覆勘

總校官庶吉士臣何思鈞

校對官典簿臣郭祚熾

謄錄監生臣劉紳

欽定四庫全書

冊府元龜卷四

宋

王欽若等撰

帝王部

運歷

昔鄭子述五代之官紀蓋有倫矣稽之於易本其世數
乃知庖犧之王正得天統共工繼起位非其序少昊之
衰九黎亂德顓頊始復建重黎之官以司天地其後三
苗干紀二官咸廢堯命羲和以纂其業授時定歲衆功

允治既而授舜曰天之歷數在爾躬舜亦以命禹三代之際牲服殊典漢紹周世議論累葉訖於中興始定厥制魏晉而下南北迭起而天祿永終實在中夏至或徵諸儒之說集盈庭之言敷引異轍訟襲相戾及夫循五德終始之傳叶三統因革之義頒正朔立制度咸推歷而更王居正而惟叙者矣

太昊帝庖犧氏繼天而王為百王先首德始於木故為太昊帝

炎帝神農氏繼庖犧氏以火承木故為炎帝

黃帝軒轅氏繼神農氏火生土故為土德

少昊氏黃帝之子青陽也繼軒轅氏土生金故為金德
天下號曰金天氏

顓頊高陽氏繼少昊氏金生水故為水德天下號曰高
陽氏

帝嚳高辛氏青陽玄囂之孫也繼高陽氏水生木故為
木德

帝堯陶唐氏封於唐蓋高辛氏衰天下歸之木生火故
為火德

帝舜有虞氏堯禪以天下

禪曰禪讓字也

火生土故為土德

伯禹夏后氏虞舜嬪以天下土生金故為金德故夏后

氏尚黑

以建寅之月為正物生黑色

戎事乘驪

戎兵也馬黑色曰驪爾雅曰駉北驪牡玄

牲用玄

玄黑類也

湯伐桀踐天子位乃改正朔服色尚白朝會以畫金生
水故為水德天下號曰商後曰殷

初契封商湯居殷而受命故二號

故

殷人尚白

以建丑之月為正物萌白色

戎事乘翰

翰白馬也

牲用白

周武王伐紂踐天子位水生木故為木德號曰周室故

周人尚赤

以建子之月為正物萌色赤

戎事乘駟

駟驪馬白腹

牲用騂

騂赤

類

烈王二年周太史儋見秦獻公曰始周與秦國合合而

別別五百載復合

周始與秦俱黃帝後是合也至周孝王封非子為附庸是別也別後五百

載謂自秦仲至孝公彊大周顯王致文武胙于孝公復與之親是復合也

合十七歲而霸王

者出焉

從此後十七年而秦昭王立武王昭王皆霸至始皇而王天下

漢高祖起沛旗幟皆赤繇所殺蛇白帝子所殺者赤帝子故也既代秦繼周木生火故為火德

文帝時魯人公孫臣上書曰始秦得水及漢受之推終始傳則漢當土德土德之應黃龍見宜改正朔服色上黃時丞相張蒼好律歷以為漢乃水德是時河決金隄

其符也年始冬十月色外黑內赤

十月陰氣在外故外黑陽氣尚伏在地故

內赤也或曰十月百草外黑內赤也與德相應公孫臣言非是罷之明年

黃龍見成紀

天水之縣也

文帝召公孫臣拜為博士與諸生

申明土德草改歷服色事自漢興之初庶事草創唯一
叔孫通略定朝廷之儀若乃正朔服色郊望之事數世
猶未章焉至於孝文始以夏郊而張蒼據水德公孫臣
賈誼更以為土德卒不能明武帝太初元年五月正歷
以正月為歲首色尚黃數用五兒寬司馬遷等猶從臣
誼之言公孫臣賈誼服色數度遂順黃德彼以五德之傳從
所不勝五帝相承代嘗以金木水火相勝之法若火滅金便以火代金秦在水德故謂
漢據土而克之劉向父子以為帝出于震故庖犧氏始

受木德其後以母傳子終則復始自神農黃帝下歷唐

虞三代而漢得火焉故高祖始起神母夜號著赤帝之

符旗章遂赤自得天統矣

向父子雖有此議時不施行至光武乃用火德耳

後漢光武建武二年正月始正火德色尚赤

漢初土德色尚黃至

此始明火德旗幟尚赤服色於是乃正

魏文帝以漢延康元年十一月受禪給事中博士蘇林

董巴上表曰魏之氏族出自顓頊與舜同祖舜以土德

承堯之火今魏亦以土德承漢之火於行運合於堯舜

授受之次遂改延康元年為黃初元年議改正朔易服色殊徽號承土行十二月幸雒陽以夏數得天故即用夏正而服色尚黃又詔以漢火行也火忌水故雒去水而加佳魏於行次為土土水之壯也水得土而乃流土得水而柔故除佳加水變雒為洛

明帝景初元年春正月壬辰山荏縣言黃龍見於是有司奏以為魏得地統宜以建丑之月為正三月定歷改年為孟夏四月

初文皇帝即位以受禪於漢因循漢正朔弗改帝在東宮著論以為五帝三王

禮不相襲正朔自宜改變以明受命之運及即位優游者久之史官復著言宜改乃詔三公特進九卿中郎將大夫博士議郎千石六百石博議議者或不同帝據古典甲子詔曰夫太極運三辰五星於上元氣轉三統五行於下登降周旋終則又始故仲尼作春秋三微之月每月稱王以明三正迭相為首今推三統之次魏得地統當以建丑之月為正月考之羣議厥義章矣其改青龍五年三月為景初元年四月

服色尚黃

犧牲用白戎事乘黑首白馬建太赤之旂朝會建大白之旂改太和歷曰景初歷其春夏秋冬孟仲季月雖與正歲不同至於郊祀迎氣禱祠烝嘗巡狩蒐田分至啓閉班宣時令中氣早晚敬授民事皆以正歲斗建為歷

數之序

初高堂隆以為改正朔易服色殊徽號異器械自古帝王所以神明其政變民耳目故三春稱

王明三統也於是數演舊章奏而改焉帝從其議改青龍五年春三月為景初元年孟夏四月服色尚黃犧牲

用白從地正也

齊王芳以景初三年即位十二月詔曰烈祖皇帝以正

月棄背天下臣子永惟忌日之哀其復用夏正雖違先

帝通三統之義斯亦禮制所繇變改也又夏正於數為

得天正其以建寅之月為正始元年正月以建丑月為

後十二月

晉武帝以太始元年即位二年九月羣公奏唐堯舜禹
不以易祚改制至於湯武各推行數宣尼答為邦之問
則曰行夏之時輅冕之制通為百代之言蓋期於從政
濟治不繫於行運也今大晉繼三皇之蹤踵舜禹之迹
應天從民受禪有魏室一用前代正朔服色皆有虞
遵唐故事於義為弘奏可

史臣曰晉為金行服色尚赤考之天道其違甚矣

元帝以丁丑歲稱晉王置宗廟使郭璞筮之云享二百
年自丁丑至禪代之歲年在庚申為一百四歲然丁丑

始係西晉庚申終入宋年所餘惟一百有二歲耳璞蓋

以百二之期促故婉而倒之為二百也

習鑿齒臨終上疏曰臣每謂皇

晉宜越魏繼漢不應以魏後為三恪而身微官卑無絲
上達懷抱愚情三十餘年今沉淪重疾性命難保遂長
懷此當與之朽爛區區之情切所悼惜謹力疾著論一
篇寫上如左願陛下考尋古義求經常之表超然遠覽
不以臣微賤廢言其所論曰或問魏武帝功蓋中夏文
帝受禪於漢而吾子謂漢終有晉豈實理乎且魏之見
廢晉道亦病晉之臣子寧可以同此言哉答曰此乃所
以尊晉也但絕節赴曲非嘗所悲見殊心異雖奇莫察
請為子言焉昔漢氏失御九州殘隔三國乘間鼎峙數
世干戈日尋流血百載雖各有偏平而其實亂也宣皇
帝勢逼當年力制魏氏虻屈從時遂羈戎役晦明掩耀
龍潛下位俛首重足鞠躬屏息道有不容之難躬蹈履

霜之險可謂危矣魏武既亡大難獲免始南擒孟達東蕩海隅西抑勁蜀旋撫諸夏摧吳人入侵之鋒掃曹爽見忌之黨植靈根以跨中嶽樹犀才以翼子弟命世之志既恢非常之業亦固景文繼之靈武冠世剋伐貳違以定厥庸席卷梁益奄征西極功格皇天勲侔古烈豐規顯祚故以灼如也至於武皇遂并疆吳混一宇宙又清四海同軌二漢除三國之大害靜漢末之交爭開九域之蒙晦定千載之盛功者皆司馬氏也而推魏繼漢以晉承魏比義唐虞自託純臣豈不惜哉今若以魏有代王之德則其道不足有靜亂之功則孫劉豈立道不足則不可謂制當年當年不制於魏則魏未曾為天下之主王道不足於曹則曹未始為一日之王矣昔共工霸九州秦政奄平區夏鞭撻華戎專總六合猶不見序於帝王淪沒於戰國何況暫制數州之人威行境內而已便可推為一代者乎苟以晉嘗事魏懼傷皇德拘惜禪名謂不可割則惑之甚者也何者隗囂據隴公孫帝

蜀蜀隴之人雖服其役取之大義於彼何有且吳楚爭
號周室未亡子文延陵不見貶絕宣皇帝官魏逼於性
命舉非擇木何虧德美禪代之義不同堯舜較實定名
必彰於後人各有心事胡可掩定空虛之魏以屈於已
孰若仗義而以貶魏哉夫命世之人正情遇物假之際
會必兼義勇宣皇祖考立功於漢世篤爾勞思報亦深
魏武超越志在傾主德不素積義險冰薄宣帝與之情
將何重雖形屈當年意申百世降心全已憤慨於下非
道服北面有純臣之節畢命曹氏忘濟世之功者也夫
成業者係於所為不係所藉立功者言其所濟不言所
起是故漢高稟命於懷王劉氏乘斃於亡秦超二偽以
遠嗣不論近而計功考五德於帝典不疑道於力政季
無承楚之號漢有繼周之業取之既美而已德亦重故
也凡天下事有可借喻於古以曉於今定之往昔而足
為來證者當陽秋之時吳楚二國皆僭號之王也若使
楚莊推鄢郢以尊有德闔閭舉三江以奉命世命世之

君有德之主或藉之以應天或撫之而光宅彼必自係於周室不推吳楚以為代明矣况積勲累功靜亂寧衆數之所錄衆之所與不資於燕噲之授不賴於因藉之力長轡廟堂吳蜀兩斃運奇二紀而平定天下服魏武之所不能臣蕩累葉之所不能除者哉自漢末鼎沸五六十年吳魏犯順而強蜀人仗正而弱三家不能相一萬姓曠而無主夫有定天下之大功為天下之所推孰如見推於閭人受尊於微弱配天而為帝方駕於三代豈比俛首於曹氏側足於不正即情而論實取之而無慙何與詭事而託偽開亂於將來者乎是故故舊之恩可封魏後三恪之數不宜見列以晉承漢功實顯然正名當事情體亦厭又何為虛尊不正之魏而虧我道于大通哉昔周人詠祖宗之德追述剪商之功仲尼明大孝之道高稱配天之義然後稷勤於所職聿來未以剪商異於司馬氏仕乎曹族三宗之寓於魏世矣且夫魏自君之道不正則三祖臣魏之義未盡義未盡故假塗

以運高略道不正故君臣之節有殊然則弘道不以輔
魏而無逆取之嫌高拱不勞汗馬而有靜亂之功者蓋
勲足以王四海義可以登天位雖我德慙於有周而彼
道異於殷商故也今子不疑其工之不得列於帝王不
嫌漢之係周而不係秦何至於一魏猶疑滯而不化哉
夫欲尊其君而不知推之於堯舜之道欲重其國而反
厝之於不勝之地豈君子之
高義若猶未悟請於是止矣

後魏天興元年十二月詔百司議定行次尚書崔玄伯
等奏從土德服色尚黃黻用五未祖辰臘犧牲用白五郊

立氣宣贊時令敬授民時行夏之正時有司奏國家繼
黃帝之後宜為土

德故神獸如牛牛上畜又黃色顯曜其符也於是始從
土德天興中李先之子密問於先曰子今為魏臣將復

事他主也先告曰未也國家政化長遠不可卒窮自皇始至齊受禪實五百餘載矣

孝文太和十四年八月詔曰丘澤初制配尚宣定五德相襲分叙有常然異同之論著於往漢未詳之說疑在今史羣官百辟可議其所應必令合衷以成萬代之式中書監高閭議以為帝王之祚百代可知運代相承書傳可稽雖祚命有長短德政有優劣至於受終嚴祖殷薦上帝其致一也故敢述其前載舉其大略臣聞居尊據極允應明命者莫不以中原為正統神州為帝宅苟位

當名全化迹流洽則不專以世數為予奪善惡為是非
故堯舜禪揖一身異尚魏晉相代紀運少殊桀紂至虐
不廢承歷之叙厲惠至昏不闕周晉之祿計五德之論
始自劉向一時之議三家致別故張蒼以漢為水德賈
誼公孫臣以為土德劉向以為火德以為水德者正以
當有水溢之應則不推運代相承之數也以為土德者
則以亡秦繼歷相即為次不推逆順之異也以為火德
者懸證赤帝斬蛇之符弃秦之暴越惡承善不以世次

為正也故以周為火德自茲厥後乃以為常魏承漢火
生土故魏為土德晉承魏土生金故晉為金德趙承晉
金生水故趙為水德燕承趙水生木故燕為木德秦承
燕木生火故秦為火德秦之未滅皇魏未尅神州秦氏
既亡大魏稱制玄朔故平文之廟始稱太祖以明受命
之證如周在岐之陽若繼晉則晉亡已久若弃秦則中
原有寄推此而言承秦之理事為明驗故以魏承秦魏
為土德又五緯表驗黃星曜彩考氏定實合德軒轅承

土祖未事為著矣又秦趙及燕雖非明聖各正號赤縣
統有中土郊天祀地肆類咸秩明刑制禮不失舊章奄
岱踰河境被淮漢非若齷齪邊方僭擬之屬遠如孫權
劉備近若劉裕道成事繫蠻夷非關中夏伏惟聖朝德
配天地道被四海承乾統歷功侔百王光格同於唐虞
享祚流於周漢正位中境奄有萬方今若并棄三家遠
承晉氏則蔑中原正次之實存之無損於此而有成於
彼廢之無益於今而有傷於事臣愚以為宜色尚黃定

為土德又前代之君明賢之史皆因其可褒褒之可貶貶之今議者偏據可絕之義而不錄可全之理所論事大垂之萬葉宜并集中祕羣儒人人別議擇其所長於理為悉祕書丞臣李彪著作郎崔光等議以為尚書閭議繼近秦氏臣職掌國籍頗覽前書惜此正次慨彼非緒輒仰推帝始遠尋百王魏雖建國君民兆朕振古祖黃制朔綿迹有因成此帝業神元為首案神元晉武往來和好至於桓穆維京破亡二帝志摧聰勒思存晉氏

每助劉琨申威并冀是以晉室啣扶救之仁越石深代
王之請平文太祖抗衡苻石終平燕氏大造中區是則
司馬祚終於邾鄆而元氏受命于雲代蓋自周之滅及
漢正號幾六十年著符尚赤後雖張賈殊議暫疑而卒
從火德以繼周氏排虐羸以比共工蔑暴項而同吳廣
近蜀謬偽遠即神正若此之明也寧使白蛇徒斬雕雲
空結哉自有晉傾淪暨登國肇號亦幾六十餘載物色
旗幟率多取黑是又自然合應玄同漢始且秦并天下

革初法度漢仍其制少所變易猶仰推五運竟踵隆姬
而况劉石苻燕世業促編綱紀弗立魏接其弊自有彝
典豈可易漢之承木捨晉而為土耶夫皇統崇極承運
至重必當推協天緒考審正次不雜以僭竊參之強狡
神元既晉武同世桓穆與懷愍接時晉室之淪平文治
太廟號太祖抑亦有繇紹晉金德孰曰不可而欲次茲
偽僭豈非惑乎臣所以悽悽惜之惟垂察納詔令羣官
議之十五年正月侍中司空長樂王穆亮侍中尚書左

僕射平原王陸獻侍中吏部尚書中山王元孫侍中
尚書駙馬都尉南平王馮誕散騎常侍都曹尚書新秦
侯游明根散騎常侍南部令鄧侍祖祕書中散李愷尚
書左丞郭祚右丞霸城子衛慶中書侍郎封琳中書郎
泰昌子崔挺中書侍郎賈元壽等言臣等受勅共議中
書監高閭祕書丞李彪等二人所議皇魏行次尚書高
閭以石承晉為水德燕承石為木德以秦承燕為火德
大魏次秦為土德皆以地據中夏以為得統之徵皇魏

建號事接秦末晉既滅亡天命在我故因中原有寄即而承之彪等據神元皇帝與晉武並時桓穆二帝仍修舊好始自平文逮于太祖抗衡秦趙終平慕容晉祚終於秦方大魏興于雲朔據漢并秦承周之義以皇魏承晉為水德二家之論大畧如此臣等謹共參論伏惟皇魏世王玄朔下迄魏晉趙秦二燕雖地據中華德祚微淺竝獲推敘于理未愜又國家積德修長道光萬載彪等職主東觀詳究圖史所據之理其志難奪今欲從彪

等所議宜承晉為水德詔曰越近承遠情所未安然考
次推時頗亦難繼朝賢所議豈朕能有違奪便可依為
水德祖申辰臘

後周閔帝元年春正月辛丑即天王位是日魏槐里獻赤
雀百官奏議云帝王之興必更正朔明受之於天革民視
聽也逮乎尼父稽諸陰陽云行夏之時後王所不易今魏
歷告終周室受命以木乘水實當行錄正用夏時式遵
聖道惟文王誕玄氣之祥有黑水之讖服色烏制曰可

隋高祖受禪召崔仲方與高頴議正朔服色事仲方曰
晉為金行後魏為水周為木皇家以火承木得天之統
又聖躬載誕之初有赤光之瑞車服旗牲竝宜用赤又
勸帝除六官請依漢魏之舊帝皆從之開府盧賁奏改
周代旗幟更為嘉名其青龍騶虞朱雀玄武千秋萬歲
之旗皆賁所創也

開皇元年六月癸未詔以初受天命赤雀降祥五德相
生赤為火色其郊及社廟依服色之議而朝會之服旗

幟犧牲各令尚赤戎服以黃七月乙卯帝始服黃百僚
畢賀

唐玄宗開元中有上書請以皇家為金德者中書令蕭
嵩奏請集百僚詳議侍中裴光庭以國家符命久著史
策若有改易恐貽後學之誚密奏請依舊為定乃下詔

停百僚集議之事

臣欽若等言
唐初事闕

天寶九載七月詔曰三

王繼統質文既不相襲五德承時服色遵於所尚至於
旗常改制駢翰異宜所以表軍國之容合聲名之度事

之大者安可因循而已焉國家膺推紐之期纂黃中之
歷憲章垂範運既屬於維新旗幟同色義必在於革故
頃者俯納羣議式明統緒故得天人致和風雨時若豈
朕躬菲德克廣睿圖實累聖鴻休允膺景運稽古之大
既有昭明文物所資理宜詳正其諸衛應隊仗所用緋
色幡等竝改為赤黃色庶克遵於通變諒有叶於從宜
其諸節度使并管内軍使等亦宜准此

九月處士崔昌上封事以國家合承周漢其周隋不合

為二王後請廢詔下尚書省集公卿議昌負獨見之明
羣議不屈會集賢院學士衛包抗表陳論上心遂定乃
求殷周漢後為三恪廢韓介鄴等公以昌為左贊善大
夫包為虞部員外

十載五月諸衛幡旗色始改為赤黃

十二載五月己酉復以魏周隋依舊為恪及二王後其
本封韓介鄴等公如故初崔昌上封事推五行之運以
皇家土德合承漢行自魏晉至隋皆非正統是閏位書

奏詔公卿議是非相半時上方希古慕道得昌疏甚與
意愜宰相林甫亦以昌言為是會集賢院學士衛包抗
疏奏曰昨夜雲開四星聚於尾宿又都堂會議之際陰
霧四塞集議之後晴空萬里此蓋天意明國家承漢之
象也上以為然遂行之及是楊國忠根本林甫之短乃
奏云周漢遠不當為二王後衛包助邪獨與林甫計議
大紊彝倫上疑之下包獄案鞠遂貶為夜郎郡尉崔昌為
玉山郡烏雷尉竝員外置

代宗永泰中歸崇敬為膳部郎中時有術士巨彭祖上
疏云大唐土德千年合符請每四季郊祀天地詔禮官
儒者議之崇敬議曰案舊禮立春之日迎春於東郊祭
青帝立夏之日迎夏於南郊祭赤帝先立秋十八日迎
黃靈於中地祀黃帝秋冬各如其方黃帝於五行爲土
王在四季生於火故火用事之末而祭之三季則否漢
魏周隋共行此禮國家土德乘時亦以每歲六月土王
之日祀黃帝於南郊以后土配合於典禮今彭祖請用

四季祠祀多憑緯候之文且據陰陽之說事涉不經恐難行用

周太祖廣順元年司天上言歷代帝王以五運相承前朝紹承水德今國家建號周朝合以木德代水准經法國以歲暮為臘今歷日所行合以今年十二月二十二日丁未為臘從之

臣欽若等曰晉承後唐漢承晉本文不載承土之德據周稱木德即是漢

為水晉為金以繼唐土德也

冊府元龜卷四